

BIHAČKI OKRUG: FRONT KOJI JE
PROMIJENIO TOK RATA

str. 4 i 5

Kultura sjećanja ne smije stati na granicama BiH

92,3
94,7
MHz
RTV
BIHAĆ
rtvbihac.ba

RADIO-TELEVIZIJA
USK
Trg Maršala Tita bb,
Bihać

TREND
RADIO 91,6



Na svu sreću!

Unsko-sanske novine

KRAJINA

PETAK, 6. februara/veljače 2026. godine Bihać Godina: XXX Broj: 1554

cijena 1 KM

e-mail: usnovine@bih.net.ba www.usnkrajina.com.ba



Vi nama povjerenje

Mi Vama sigurnost

www.camelija-osiguranje.com info@camelija-osiguranje.com

KANTONALNA UPRAVA ZA INSPEKCIJSKE POSLOVE U NOVIM PROSTORIJAMA

Stvaramo kvalitetne uslove za rad službenika kako bi mogli u potpunosti odgovoriti svim zadacima

Kantonalna uprava za inspekcijske poslove Unsko-sanskog kantona uselila je u nove prostorije, u kojima će inspektori i ostali uposlenici ubuduće imati mnogo adekvatnije uslove za rad.

Ocijenjeno je to važnim iskorakom u jačanju kapaciteta institucija koje provode nadzor i zakon, a istaknuta je i bolja koordinacija Kantonalne inspekcije s Ministarstvom unutrašnjih poslova Unsko-sanskog kantona, Upravom policije i Kantonalnim tužilaštvom.

- Moramo stvarati kvalitetne uslove rada za službenike kako bi mogli u potpunosti odgovoriti svim zadacima. Kada postoji dobra komunikacija i koordinacija među institucijama, rezultati su vidljivi, rekao je Mustafa Ružnić, premijer Unsko-sanskog kantona.

Adnan Habibija, ministar unutrašnjih poslova Unsko-sanskog kantona istakao je da je Kantonalna inspekcija važan dio sistema vlasti te da zaslužuje jačanje kapaciteta, u kadrovskom i svakom drugom smislu.

- Inspektori postižu dobre rezultate i



Vlada Unsko-sanskog kantona je imala obavezu osigurati im bolje uslove rada. Pred nama su novi izazovi koji će zahtijevati dodatno jačanje inspekcijskih kapaciteta, kazao

je Habibija.

Kantonalni zvaničnici podsjetili su ovom prilikom da su u okviru istog procesa unaprjeđenja infrastrukture, ranije obnovljene ili se trenutno ure-

đuju policijske stanice u Bužimu, Bosanskom Petrovcu i Velikoj Kladuši, kao i prostorije sjedišta MUP-a USK u Bihaću.

- Jako puno nam znači što smo napokon dobili svoje prostorije jer smo do sada bili podstanari u Proljoprivrednom zavodu gdje smo bili prostorno skučeni. Nismo bili u prilici obavljati prijem novih uposlenika jer nismo imali adekvatan prostor. Prelaskom u ovu zgradu, i to će biti promijenjeno, zahvaljujući premijeru Ružniću i ministru Habibiji, koji je dao nesebičnu pomoć i doprinos meni kao direktoru u rješavanju ovog problema. Činjenica je da je Kantonalna uprava za inspekcijske poslove uskraćena za pojedine inspektore, prvenstveno vođnog i inspektora za hranu, te da imamo po jednog poljoprivrednog i inspektora zaštite na radu. Sada imamo mogućnost da popunimo i ta nedostajuća radna mjesta, kazao je Alen Čajić, direktor Kantonalne uprave za inspekcijske poslove Unsko-sanskog kantona. / S. P.

KRAJIŠKI PRVACI PRE-
GALAŠTVA: NIKOLA FINDRIK

str. 8, 9 i 10

Znanje je jedini stvarni izlaz iz društvene krize



RADNI SASTANAK FEDERALNE MINISTRICE OKOLIŠA I
TURIZMA SA DELEGACIJOM JP CESTE FEDERACIJE BIH D.O.O.

U fokusu nova cesta Bihać - Bosanska Krupa

str. 6

POČELA PRIMJENA NOVOG ZAKONA O PENZIJSKO-INVALIDSKOM OSIGURANJU U Federaciji BiH isplata uvećanih penzija

Iz Federalnog ministarstva rada i socijalne politike saopćeno je da je Federalno ministarstvo finansija osiguralo sredstva za isplatu januarskih penzija u Federaciji BiH, koje su uvećane za 11,2 posto u skladu sa izmjenama i dopunama Zakona o penzijskom i invalidskom osiguranju. Iz Ministarstva dodaju da su penzije uplaćene bankama i poštama.

- Penzioneri koji primanja ostvaruju putem bankovnih računa već od četvrtka će raspolagati uvećanim iznosima penzija, dok će penzionerima koji penzije primaju putem čeka uvećani iznosi biti dostavljeni narednih dana, navode iz Ministarstva.

Dodaju da ovom isplatom započinje primjena novog zakonskog rješenja, a naglašavaju da nijednom od 465.000 penzionera u Federaciji BiH penzija nije smanjena, svim korisnicima penzije su povećane.

U skladu sa Odlukom o akontativnom usklađivanju, najniža penzija povećana je na 666,40 KM, zagarantovana penzija iznosi 795,31 KM, dok je prosječna samo-



stalna penzija 841,98 KM, a najviša 3.332 KM. Uvećane su i sve ostale penzije u skladu sa zakonom.

- Za penzionere koji pravo na penziju prvi put ostvaruju tokom 2026. godine, zakon je definisao minimalne iznose starosne penzije u zavisnosti od dužine penzijskog staža i uplaćenih doprinosa. Na taj način uveden je pravedniji i pregledniji

sistem obračuna, koji vrednuje godine rada i uplaćene doprinose. Minimalni iznosi starosne penzije za one koji će se penzionisati od ove godine sa 20 godina staža je najmanje 434,38 KM, od 20 do 25 godina staža najmanje 470,58 KM, od 25 do 30 godina staža najmanje 506,78 KM, od 30 do 35 godina staža najmanje 542,98 KM, od 35 do 40 godina staža naj-

manje 615,37 KM, te 40 i više godina staža najmanje 687,77 KM, navode iz Ministarstva

Za korisnike porodične i invalidske penzije, kojima je određen iznos najniže penzije, Zakonom je propisano da ona ne može biti niža od 651,57 KM.

Ovi iznosi predstavljaju minimalne garantovane iznose, dok stvarna visina penzije

zavisi od ukupnog radnog staža i visine plata tokom radnog vijeka, te u mnogim slučajevima može biti i znatno viša.

- Iako novi model ne može u potpunosti riješiti sve životne izazove s kojima se penzioneri suočavaju, on predstavlja ispravno i odgovorno rješenje koje čuva stabilnost penzionog sistema. Riječ je o sistemu od kojeg danas



zavisi gotovo pola miliona građana, ali i svi oni koji će u penziju odlaziti u godinama koje dolaze, pojasnio je federalni ministar rada i socijalne politike Adnan Delić.

Dodao je i da, u vremenu izraženih demografskih izazova i ubrzanog starenja stanovništva, većina zemalja odlučuje se za povećanje starosne granice za odlazak u penziju. Federacija BiH nije išla tim putem, već je kroz izmjene zakona omogućila drugačiji model koji istovremeno štiti sistem i ostavlja mogućnost ostanka na tržištu rada i nakon 65. godina za one koji to žele. Cilj ovih izmjena je dugoročna stabilnost penzionog sistema, zaštita prava sadašnjih penzionera i sigurnost budućih generacija, saopćeno je iz Federalnog ministarstva rada i socijalne politike.

FEDERALNO MINISTARSTVO RADA I SOCIJALNE POLITIKE OBJAVILO JAVNI KONKURS

Podrška projektima udruženja osoba sa invaliditetom, javnih kuhinja i sigurnih kuća

Federalno ministarstvo rada i socijalne politike saopćilo je da je objavljen javni konkurs za finansiranje projekata udruženja osoba sa invaliditetom, javnih kuhinja i sigurnih kuća u Federaciji BiH za 2026. godinu.

- Sredstva za ovu podršku obezbijedena su iz prihoda ostvarenih po osnovu naknada za priređivanje igara na sreću. Dio prihoda ostvarenih u Budžetu Federacije BiH po ovom osnovu, u skladu sa Zakonom i Uredbom o kriterijima za utvrđivanje korisnika i načina raspodjele, namijenjen Federalnom ministarstvu rada i socijalne politike za 2026. godinu iznosi ukupno 840.000 KM.



Dodaju da pravo na prijavu imaju sva udruženja i organizacije koje u svom radu realizuju projekte iz oblasti zadovoljavanja potreba osoba sa invaliditetom u smislu poboljšanja životnih uslova i rada njihovih organizacija, potom smještaja i utočišta žrtvama torture i nasilja (sigurne kuće), kao i

rada javnih kuhinja.

- Projekte ili programe koji budu predloženi za podršku od strane komisije koja će pregledati njihovu ispravnost, Ministarstvo će podržati u maksimalnim iznosima do 30.000 KM po podnosiocu zahtjeva organizacija iz oblasti zadovoljavanja potreba osoba sa inva-

liditetom. Također, do 30.000 KM po podnosiocu zahtjeva iz oblasti smještaja i utočišta žrtvama torture i nasilja (sigurne kuće), te do 50.000 KM po podnosiocu zahtjeva iz oblasti rada javnih kuhinja, navode iz Ministarstva.

Dodaju da su, uz javni konkurs, objavljene i detaljne upute o pripremi dokumentacije, kao i pojašnjenja šta sve treba sadržavati projekt koji se kandidira za ovu podršku. Krajnji rok za podnošenje prijave je 21 dan od dana posljednje objave u dnevnim novinama. Javni poziv sa pratećim uputstvom i obrascem za prijavu dostupan je na internet stranici Federalnog ministarstva rada i socijalne politike, saopćeno je iz ovog ministarstva.

FEDERALNO MINISTARSTVO POLJOPRIVREDE, ŠUMARSTVA I VODOPRIVREDE

U toku javna rasprava o Nacrtu programa novčanih podrški u poljoprivredi i ruralnom razvoju za 2026. godinu

Federalno ministarstvo poljoprivrede, vodoprivrede i šumarstva obavještava javnost da je pripremljen uvid Nacrta programa novčanih podrški u poljoprivredi i ruralnom razvoju za 2026. godinu. Nacrt programa dostupan je na web stranici Ministarstva.

Cilj ovog programa je unaprjeđenje poljoprivredne proizvodnje, jačanje konkurentnosti domaćih proizvođača, te poticanje održivog ruralnog razvoja u Federaciji Bosne i Hercegovine.

Iz Ministarstva pozivaju sve zainteresirane subjekte, uključujući poljoprivredne proizvođače, udruženja, institucije i građane, da dostave svoje primjedbe, prijedloge i sugestije na ovaj nacrt najkas-

nije do 10.2.2026. godine.

Primjedbe i prijedlozi mogu se dostaviti u pisanoj formi, na propisanom obrascu dostupnom na web stranici Ministarstva, putem pošte na adresu: Federalno ministarstvo poljoprivrede, vodoprivrede i šumarstva, Ul. Hamdije Čemerlića 2, 71000 Sarajevo, ili putem e-maila: info@fmpvs.gov.ba.

Federalno ministarstvo poljoprivrede, vodoprivrede i šumarstva poziva zainteresiranu javnost da aktivno učestvuje u procesu javnih konsultacija, kako bi konačna verzija Programa u što većoj mjeri odgovorila potrebama poljoprivrednog sektora i ruralnog razvoja, saopćeno je iz ovog ministarstva.

EKONOMSKO-SOCIJALNO VIJEĆE ZA TERITORIJU FEDERACIJE BOSNE I HERCEGOVINE

Poslodavci i u ovoj godini mogu radnicima neoporezivo isplatiti do 300 KM mjesečno



sindikata i predstavnicima poslodavaca, je pružanje dodatne financijske podrške zaposlenima budući da se primjenom iste otvara prostor za rast primanja, kazao je ministar Kraljević.

Federalni ministar je dodao da sukladno ovom propisu poslodavac ne može primijeniti odredbe Uredbe na način da radniku umanju plaću koja mu je obračunata i isplaćena za studeni 2025. godine. Isplata pomoći zaposlenicima se može vršiti mjesečno za mjesec na koji se pomoć odnosi i to (tek po isteku tog mjeseca) u razdoblju od prvog dana narednog kalendarskog mjeseca, a najkasnije do zadnjeg dana narednog kalendarskog mjeseca.

Ponovno donošenje Uredbe o isplati neoporezive pomoći radnicima uz smanjenje zbirne stope doprinosa, nakon gotovo dva desetljeća, kroz izmjene i dopune Zakona o doprinosima FBiH pokazuje opredjeljenje Vlade Federacije BiH za reforme u oblasti rada koje dovode do stvaranje povoljnijeg poslovnog okruženja i otvaranja novih radnih mjesta, izvijestila je Federalna novinska agencija.

Ekonomsko-socijalno vijeće za teritoriju Federacije Bosne i Hercegovine, na prijedlog dopremijera Federacije BiH i federalnog ministra financija Tonija Kraljevića, podržalo je Uredbu o isplati neoporezive pomoći radnicima u 2026. godini koja će se naći na sljedećoj sjednici Vlade Federacije BiH.

Poslodavci u Federaciji BiH će i u narednom razdo-

blju moći isplatiti neoporezivu naknadu radnicima u iznosu do 300 KM mjesečno za mjesec od siječnja do lipnja 2026. godine.

Navedena Uredba dio je niza mjera koje Vlada Federacije BiH već duže vrijeme poduzima s ciljem poboljšanja životnog standarda radnika.

- Cilj navedene mjere, koja je nastala kao produkt kontinuiranog dijaloga sa

KOMENTAR

Ćačevina

Dok se svijet priprema za globalni rat, a razne krize izbijaju kao požari u suhim šumama tokom ljeta, političari u Bosni trče još jedan počasni krug. Ko će ostati a ko ispasti iz utrke za fotelje, krenulo je a još sudija nije ni ispalio metak u zrak. U toj bjesomučnoj pomami za udobnim i privilegiranim kožnjacima, ne biraju se sredstva i radi se po onoj Zosterovoj "Ko je jamio, jamio je". Kao sveto slovo iz Biblije ili nepisano pravilo Zakona, razni fićfirići koji "trebaju strankama" u pokušaju osvajanja što većeg broja glasova, udaraju, lome, krše i razaraju ulazna vrata, strukturu i radnu snagu javnih ustanova i preduzeća, kao da im je to ćaća ostavio. Sve i da to jeste njihova ćačevina a nije, valjda se treba ponašati u skladu sa civiliziranim normama, a



PIŠE:
Fahrudin Vojić

ne poput tarzana, koji je kao beba ostavljen u džungli gdje je odrastao sa životinjama, upada u gaćama i bez osnovnog umijeća komunikacije. I tako se historija opet ponavlja. Dok se u Krajini narod bori da spasi javno vlasništvo, svijet se priprema za novi rat. Slično se dešavalo i početkom devedesetih. Dok su se neki pripremali za rat, Bošnjaci su gledali kako da se što više obogate, a onda je surova zbilja,

preko noći odnijela sve ono što su zgrnuli i nagomilali. Zatim je krenulo i opet su neki Bošnjaci i tu situaciju vidjeli kao priliku da se obogate, umjesto da sa svojom braćom stanu u saff i brane državu od agresije. I danas je isto. Opet sirotinja i sitna buranija staje u odbranu državnog vlasništva ili ti javnog dobra, a opet ti neki "aman Bošnjaci" svih političkih boja i ideologija, udaraju i kidišu na to javno dobro kao da im je ćačevina. Dokle će tako ići? Valjda dok se opet ne zarati i svi kolektivno ne dobijemo po glavi. Ali opet bi se ti koji rasparčavaju javne ustanove i preduzeća prvi izvukli i pobjegli daleko, da ne moraju ići na prvu liniju i opet bi sirotinja najviše fasovala. Jesmo li glupi i nepopravljivi, ili je to neka loša kletva koja nas proganja?

MINISTARSTVO PRIVREDE UNSKO-SANSKOG KANTONA

Provesti dodatne nadzore i kontrole rada kamenoloma



UMinistarstvu privrede Vlade Unsko-sanskog kantona održan je sastanak sa predstavnicima Udruženja građana „Plješevički otpor“ na kojem je razmatrana problematika rada Kamenoloma „Podići“ Međudražje u Bihaću.

Ministrica privrede u Vladi Unsko-sanskog kantona Samra Mehić i njeni saradnici u razgovoru sa predstavnicima ovog udruženja, informisali su ih nadležnostima Ministarstva i postupkom koji prethodi zaključenju

Ugovora o dodjeli koncesije, te nadležnostima koje u ovoj oblasti imaju federalni, kantonalni i gradski nivo vlasti koji izdaju potrebne dozvole i saglasnosti, a koje prethode samom zaključenju Ugovora i bez kojih se ne može zaključiti ugovor o koncesiji.

Nadzor nad radom kamenoloma provode nadležna federalna i kantonalna inspekcija svako u okvirima svoje nadležnosti i Ministarstvo privrede je već poduzelo određene mjere i aktivnosti i održalo zajednički sastanak sa Kantonalnom upravom za

inspeksijske poslove, te je utvrđeno da je potrebno provesti dodatne nadzore i kontrole rada kamenoloma, navedeno je.

U predstojećem periodu će Ministarstvo privrede obaviti razgovore sa predstavnicima MZ Međudražje, Gradske uprave Bihać i kamenoloma „Podići“, te izvršiti terensku posjetu kamenolomu kako bi se, u skladu sa pozitivnim zakonskim propisima, pronašlo najbolje rješenje, saopćeno je iz Ministarstva privrede Unsko-sanskog kantona.

RUKOVODSTVO MINISTARSTVA UNUTRAŠNJIH POSLOVA UNSKO-SANSKOG KANTONA

Kadetima poželjeli uspješan nastavak školovanja

Ministar unutrašnjih poslova u Vladi Unsko-sanskog kantona Adnan Habibija i v.d. direktora Uprave policije MUP-a USK Avrudin Muminović posjetili su Policijsku akademiju Federalnog MUP-a u Sarajevu, gdje se trenutno školuje 168 kadeta, budućih policijskih službenika iz Unsko-sanskog kantona.

Ministar Habibija i v.d. direktora Uprave policije Muminović, u obraćanju



kadetima, naglasili su značaj policijskog poziva kao jednog od najodgovornijih i najčasnijih oblika službe građani-

ma te su kadetima poželjeli uspješan nastavak školovanja, saopćeno je iz MUP-a USK.



BIHAĆKI OKRUG: FRONT KOJI JE PROMIJENIO TOK RATA

Kultura sjećanja ne smije stati na granicama Bosne i Hercegovine

Konferencija pod nazivom „Bihaćki okrug u odbrani nezavisnosti Bosne i Hercegovine 1992–1995“ održana je prošlog mjeseca u Istanbulu, u biblioteci Rami gdje se govorilo o historijskom otporu enklave koja je bila u totalnom okruženju 1.201 dan. Program konferencije je započet „Izložbom ratnih fotografija Armije Republike Bosne i Hercegovine sa posebnim akcentom na Okrug Bihać i 505. Vitešku brigadu autora Agana Skenderovića koju su otvorili Almir Zulić, ministar za pitanja boraca i ratnih vojnih invalida u Vladi Unsko sanskog kantona i Ali Čelik, direktor biblioteke Rami.

Rat u Bosni i Hercegovini u javnom prostoru često se pamti kroz poraze, masovne zločine i opsade, dok se pobjede Armije Republike Bosne i Hercegovine sistematski guraju u stranu. Među njima, Bihaćki okrug 1.201 dan u potpunom okruženju, ostao je jedan od najpotcijenjenijih, a istovremeno presudnih frontova u odbrani države. Upravo s tog pros-

tora, pod stalnim pritiskom višestruko nadmoćnijeg neprijatelja, vođena je borba koja je u velikoj mjeri odredila tok rata u Bosni i Hercegovini. U okviru konferencije, u biblioteci Rami, jednoj od najznačajnijih kulturnih institucija u Turskoj predstavljena je izložba ratnih fotografija Agana Brace Skenderovića, koja svjedoči o životu, otporu i slobodi izbornoj u nemogućim uslovima.

Ključni bedem odbrane BiH Crno-bijele fotografije iz Bihaćkog okruga i 505. Viteške brigade ne govore samo o ratu, već o sistemskom zaboravu koji je uslijedio nakon njega. One podsjećaju da Bihać nije bio izolirana enklava već ključni bedem odbrane Bosne i Hercegovine, te da kultura sjećanja ne smije zavisiti od povremenih godišnjica ili entuzijazma pojedinaca, već od jasne institucionalne i društvene odgovornosti.

O konferenciji u Istanbulu, reakcijama turske javnosti, budućim oblicima saradnje, ali i o poraznom odnosu države prema borcima Armije

RBiH, razgovarali smo s Aganom Bracom Skenderovićem, autorom izložbe fotografija.

KRAJINA: Nedavno ste održali izložbu ratnih fotografija Armije Republike Bosne i Hercegovine, u okviru koje je predstavljena i Vaša postavka fotografija ratnog Okruga Bihać i 505. Viteške brigade. O kakvoj izložbi se radi i u okviru čega je ona predstavljena u Turskoj?

Skenderović: Prije nego odgovorim na Vaše pitanje moram istaći da sam bio zaista iznenađen da je zajednica Bošnjaka u Turskoj mnogobrojna, ali prije svega društveno aktivna. Prema podacima koje su nam prezentovali u Turskoj živi više od četiri miliona Bošnjaka. Stupili smo u kontakt sa Muhammetom Sancaktaraom, predsjednikom Tursko-bosanskog udruženja iz Istanbula koje okuplja Bošnjake sa prostora bivše Jugoslavije. Ovo udruženje je bilo i inicijator Konferencije pod nazivom „Bihaćki okrug u odbrani nezavis-

nosti Bosne i Hercegovine 1992–1995“, a sklopu koje je i predstavljena izložba ratnih fotografija u biblioteci Rami. Ovom izložbom fotografija predstavljena su crno-bijela svjedočanstva jednog teškog vremena za Okrug Bihać, ali i cijelu Bosnu i Hercegovinu, svjedočanstva života u ratnom periodu, herojske borbe Armije R BiH i pobjede. Izložbu fotografija otvorili su direktor biblioteke Rami Ali Čeliki ministar za pitanja boraca i ratnih vojnih invalida u Vladi USK-a Almir Zulić.

KRAJINA: Kakvi su Vaši utisci o održanoj konferenciji, koliko u Turskoj znaju ili koliko žele javnost upoznati sa ratnim dešavanjima u tadašnjem Bihaćkom okrugu?

Skenderović: Konferencija je bila zaista jedinstvena, dobro pripremljena i organizirana. Turci su poprilično upoznati sa dešavanjima u Bosni i Hercegovini, a posebno o ratnom periodu. Ono što je zanimljivo je činjenica da dosta znaju o Srebrenici, Sarajevu pod opsadom, o srušenom Starom mostu u

Mostaru i zločinama širom naše domovine. Malo ili ništa nisu znali o velikim pobjedama Armije R BiH, o našem Okrugu Bihać koji je bio pod opsadom 1.201 dan, o našim herojima i gazijama. Ova konferencija je upravo za cilj imala pokazati naše pobjede i put do slobode posebno iz dijela Bosne i Hercegovine koji se nalazi na krajnjem sjeverozapadu i koji je bio okružen sa nešto više od 35.000,00 vojnika 1. i 2. Krajiškog korpusa vojske RS i vojske tzv. Srpske krajine. Stotinu ili više kilometara do prve slobodne teritorije R BiH nisu bili prepreka da pripadnici 5. Korpusa Armije R BiH zadrže i odbrane teritoriju, te na kraju krenu u oslobodilački pohod koji je zaustavljen potpisivanjem Dejtonskog sporazuma. Bihaćki okrug je predstavljen kao ključni front koji je uveliko odredio tok rata ali i sudbinu Bosne i Hercegovine. Vjerujem da su učesnici konferencije u dobrom dijelu i uspjeli u ovoj namjeri.

KRAJINA: Ko su sve bili

učesnici konferencije?

Skenderović: Pored ministra za pitanja boraca i ratnih vojnih invalida Almira Zulića, konferenciji su prisustvovali premijer Unsko-sanskog kantona Mustafa Ružnić, predsjedavajući Skupštine Unsko-sanskog kantona Nisvet Jusić, ratni komandant 505. Viteške brigade Sead Jusić, general major Emir Kliko, predsjednik Udruženja veterana F BiH Mujo Aganović i predsjedavajući Općinskog vijeća Bužim Suvad Veladžić. Drugog dana je održana i promocija knjige Seada Jusića Breza 94- Bužimska bosanska bitka koja je prevedena na turski jezik.

KRAJINA: Da li je dogovorena neka buduća suradnja, ako jeste, u kojem obliku?

Skenderović: Prilikom prijema učesnika konferencije kod direktora biblioteke Rami, gospodina Ali Čelika izražena je spremnost za uspostavljenjesaradnje sa institucijama kulture u Bosni



i Hercegovini, a posebno u Unsko-sanskom kantonu. Od strane kantonalnih zvaničnika predloženo je da se uspostavi saradnja biblioteke Rami sa Kantonalnom i univerzitetskom bibliotekom Bihać, a fokus bi bio na partnerskim odnosima u stručnim, obrazovnim i naučno-istraživačkim oblastima, kao i na razmjeni stručnih informacija i ideja. Uspostavljeni su kontakti i sa nekoliko značajnih poduzetnika koji se bave proizvodnjom atraktivnih proizvoda, a koji su izrazili spremnost za posjetu Unsko-sanskom kantonu.

KRAJINA: Hoće li ovakvih konferencija i izložbi ratnih fotografija biti i u drugim državama?

Skenderović: Želja svakako postoji da se slične konferencije i izložbe ratnih fotografija održe i u drugim državama, posebno zbog činjenice da imamo brojnu dijasporu i cijele porodice čija se djeca rađaju, školuju i odrastaju u jednom sasvim drugačijem ambijentu uređenih država. Kultura sjećanja mora biti naš zadatak i obaveza da mladim generaci-

jama prenosimo sve ono što se dešavalo tokom rata u Bosni i Hercegovini. Ovakve aktivnosti umnogome zavise i od institucionalne podrške jer su samo troškovi odlaska značajni od avio karata, smještaja do prevoza. Vjerujem da se na ovome neće stati i da ćemo u bliskoj budućnosti organizirati nekoliko konferencija širom Zapadne Evrope.

KRAJINA: Da li je dogovorena neka uzvratna posjeta Unsko-sanskom kantonu?

Skenderović: Za sada je izgledna posjeta predstavnika

biblioteke Rami Unsko-sanskom kantonu već u maju ove godine, a dogovorena je posjeta Tursko-bosanskog udruženja iz Istanbula koje je aktivno na nekoliko humanitarnih akcija koje vode na prostoru cijele Bosne i Hercegovine. Isto tako mogu reći da je prihvaćen poziv za posjetu naših prijatelja iz Turske tradicionalnoj manifestaciji "Slobodarski dani viteškog grada Bužima" augusta ove godine.

KRAJINA: Posjetili ste i čuvenu biblioteku u Rami, kakve su Vaše impresije?

Skenderović: Iako smo jedan dan proveli kao gosti biblioteke Rami nismo uspjeli obići niti deseti dio svega onoga što se nalazi u ovoj zaista impresivnoj biblioteci. Sama činjenica da kompleks biblioteke Rami uključuje 24-satne učionice i čitaonice, odjel za bebe i djecu, pristupni dio, galerije, te grupne i individualne učionice sa zatvorenim površinom od 36.000 m² i kapacitetom od 2,5 miliona knjiga, uređene površine biblioteke od 51.000 m² čini je bibliotekom sa najvećom unutrašnjom zelenom površinom" u Evropi i dovoljno govori o kakvoj se instituciji radi. Biblioteka je platforma preko koje se stari izvori i informacije prenose budućim generacijama. Kasarna Rami, kako je poznata u arhivskoj evidenciji, podigao je veliki vezir Rami Mehmet-paša za vrijeme vladavine sultana Mustafe III (1757-1774) u Osmanskom carstvu. Kasarna, koja je služila i vojsci u republikanskom periodu, aktivno se koristila do 1960-ih godina pretvorena je u jednu od najvažnijih biblioteka u Turskoj, sa radovima na restauraciji koji su započeli 2014., a završeni 2023. godine kada je biblioteka i otvorena. Čast mi je što će moja autorska izložba ratnih fotografija iz perioda 92-95 zauvijek ostati u ovom impresivnom objektu kao djelić naše historije.

Još uvijek samo pričamo o statusu običnog borca koji je trebao biti završen davno

KRAJINA: Često govorimo o statusu nekadašnjih boraca, mene osobno zanima Vaše mišljenje, znamo da taj odnos nije na onom nivou kakav su zaslužili. Može li bolje i kako?

Skenderović: Generalni zaključak uvijek se sam namegne, a to je da borci iz godine u godinu slušaju ista ili slična obećanja, a nadležni na realizaciji istih vrlo malo, ili nikako ne rade. Svakako moram

reći da je dosta toga i do samih boraca koji su svih ovih godina od rata do danas bili taoci različitih politika, ali i brojnih boračkih udruženja koja se nisu baš najbolje snašla u moru neriješenih statusnih problema boračke populacije. Udruženja se i danas bave trivijalnim stvarima od kojih demobilisani borac nema nikakve koristi. Godinama se priča, ali samo priča, o zakonskom definisanju boračkih udruženja od posebnog društvenog interesa za Federaciju BiH. Do danas od zakona nemamo ništa ali sigurno imamo na desetine novih boračkih udruženja. Umjesto da se okupljamo oko jednog politika radi sve da se borci razjedine kroz ova brojna udruženja koja usput ne rade ništa osim što su samo sebi svrha.

Isto tako, ne mogu vjerovati da je javno objavljen registar boraca u kojem se nalazi više od 600.000 hiljada boraca Armije R BiH i da niko nije izvršio analizu ko se sve nalazi u tom registru. Ja sam, a vezano samo za našu brigadu, provjerio nekoliko imena i tražio određene odgovore i pojašnjenja od Federalnog ministarstva za pitanja boraca koje nikada nisam dobio. Isto tako ne mogu da vjerujem da nadležna ministarstva nikada nisu izradila socijalnu kartu boračke populacije da jednostavno znamo koliko je to boraca nezaposleno, kako su stambeno zbrinuti, šta je sa njihovom djecom, kako se liječe i slično. Prošlo je više od trideset godina od rata, a mi još uvijek samo pričamo o statusu običnog borca koji je trebao biti završen davno. Da ne govorim o institucionalnoj zaštiti pripadnika 5. Korpusa ali i svih drugih pripadnika Armije R BiH, koji su optuženi za navodni ratni zločin. Jedina legitimna i priznata vojna sila na prostoru Bosne i Hercegovine je bila Armija R BiH. Jedino je Armija branila nezavisnost i suverenitet države Bosne i Hercegovine i nikako se nije smjelo desiti da ijedan njen pripadnik bude osuđen pred bilo kojim sudom države Bosne i Hercegovine koju su branili i odbranili od svih neprijatelja.

Razgovarala: Niha Džanić

VLADA FEDERACIJE BOSNE I HERCEGOVINE

NA PRIJEDLOG FEDERALNOG MINISTARSTVA RAZVOJA,
PODUZETNIŠTVA I OBRTA

Osigurano više od 3,8 miliona KM pomoći privatnim poslodavcima, obrtima i ostalim samostalnim djelatnostima u F BiH

- Ukupna sredstva za realizaciju ove Odluke su osigurana u Budžetu F BiH resornom federalnom ministarstvu i dodjeljuju se za 9.200 korisnika

Vlada Federacije Bosne i Hercegovine je na telefonskoj sjednici, na prijedlog Federalnog ministarstva razvoja, poduzetništva i obrta, donijela Odluku o utvrđivanju konačne liste korisnika finansijske pomoći privatnim poslodavcima, obrtima i ostalim samostalnim djelatnostima u Federaciji BiH, s ciljem održavanja postojećih radnih mjesta za 2025. godinu za novembar 2025. godine.

Ovom odlukom utvrđuje se i iznos dodijeljenih sredstava po Uredbi o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji BiH s ciljem održavanja postojećih radnih mjesta za 2025. godinu.

Sastavni dio konačne liste je i lista korisnika kojima je usvojen prigovor na Odluku o utvrđivanju konačne liste korisnika finansijske pomoći za oktobar 2025. godine.

Ukupna sredstva za realizaciju ove odluke u iznosu od 3.807.900 KM osigurana su u Budžetu Federacije BiH Federalnom ministarstvu razvoja, poduzetništva i obrta i dodjeljuju se za 9.200 korisnika. Dio sredstava u iznosu od 41.850 KM dodjeljuje se za 61 korisnika kojima je usvojen prigovor na Odluku o utvrđivanju konačne liste korisnika finansijske pomoći za oktobar 2025. godine.

Konačna lista korisnika finansijske pomoći će biti objavljena na web stranicama Vlade Federacije BiH i Federalnog ministarstva razvoja, poduzetništva i obrta.

Transfer sredstava na račune korisnika izvršit će Union banka u saradnji sa Federalnim ministarstvom finansija i ministarstvom razvoja, poduzetništva i obrta na osnovu ove odluke.

Za realizaciju ove odluke zadužuju se Federalno ministarstvo razvoja, poduzetništva i obrta, Federalno mi-

nistarstvo finansija, Porezna uprava Federacije BiH i Union banka, svako u okviru svoje nadležnosti i obaveza u skladu sa Uredbom.

Kako je obrazloženo, razlog za donošenje ove odluke je realizacija Uredbe koja za cilj ima održivost, očuvanje postojećih radnih

mjesta i osiguranje podrške likvidnosti za 2025. godinu za privatne poslodavce, obrte i ostale samostalne djelatnosti.

RADNI SASTANAK FEDERALNE MINISTRICE OKOLIŠA I TURIZMA SA DELEGACIJOM JP CESTE FEDERACIJE BIH D.O.O.

U fokusu razgovora i nova cesta Bihać - Bosanska Krupa

- Usklađivanje prostorno-planske dokumentacije USK nužno kako bi se ovaj projekt mogao realizirati u planiranom roku. JP Ceste Federacije BiH osigurat će dodatna sredstva kroz investicioni program u iznosu od 16,5 miliona eura, čime bi se stvorili uslovi za izgradnju nove ceste Bihać - Bosanska Krupa



Federalna ministrica okoliša i turizma Nansiha Pozder održala je prople sedmice radni sastanak sa delegacijom JP Ceste Federacije BiH d.o.o., koju su predvodili v.d. direktor Ljubo Pravić i v.d. izvršni direktor za tehničke poslove Ademir Toromanović.

Pored razgovora o unaprijeđenju saradnje, jedna od tema u fokusu bio je i zahtjev za prethodnu procjenu utjecaja na okoliš za izgradnju nove ceste Bihać - Bosanska Krupa, na dionici Tabla - Grmuša - Mali (Veliki) Radić - Vranjska, u dužini od oko 16 kilometara. S obzirom na to da se ovaj predmet vodi u Federalnom ministarstvu okoliša i turizma, razgovaralo se o otvorenim

pitanjima u vezi s ovom procedurom.

Poseban akcenat stavljen je na potrebu usaglašavanja prostorno-planske dokumentacije Unsko-sanskog kantona, kako bi se ovaj projekt mogao realizirati u planiranom roku. Istaknuto je da će JP Ceste Federacije BiH osigurati dodatna sredstva kroz investicioni program u iznosu od 16,5 miliona eura, čime bi se stvorili uslovi za izgradnju nove ceste Bihać - Bosanska Krupa.

Predstavnici JP Ceste Federacije BiH informisali su ministricu Pozder da je na ovom području trenutno u izgradnji dionica Jablanska ulica - čvor Mali Lug - veza na M14, za koji je ugovor potpisan 24. septembra 2024.

godine, u vrijednosti od oko 15 miliona KM.

- Ovakvi sastanci doprinose boljem razumijevanju, jačanju saradnje i bržoj implementaciji infrastrukturnih projekata. U narednom periodu Federalno ministarstvo okoliša i turizma obratit će se i nadležnom kantonalnom ministarstvu u Unsko-sanskom kantonu, s ciljem rješavanja trenutno otvorenih pitanja. Time je još jednom potvrđena opredijeljenost institucija i javnih kompanija da, kroz koordiniran i odgovoran pristup, osiguraju realizaciju strateški važnih infrastrukturnih projekata uz puno uvažavanje okolišnih standarda i interesa lokalnih zajednica, saopćeno je iz Federalnog ministarstva okoliša i turizma.



MINISTARSTVO ZDRAVSTVA

Za 15 zdravstvenih ustanova odobreno 1,8 miliona KM

- Sredstva su osigurana Proračunom Federacije BiH za 2025. godinu u okviru transfera „Tekući transfer drugim razinama vlasti i fondovima – transfer za sanaciju zdravstvenih ustanova u F BiH“, a namijenjeni su za nabavu medicinske i prateće opreme, te rekonstrukciju, adaptaciju i sanaciju postojećih objekata javnih zdravstvenih ustanova

Federalno ministarstvo zdravstva je priopćilo da su u Sarajevu, krajem prošle sedmice, potpisani ugovori s predstavnicima javnih zdravstvenih ustanova u Federaciji BiH, kojim je dodijeljeno ukupno 1.800.000 KM

u Federaciji BiH, a namijenjena su za nabavu medicinske i prateće opreme, te rekonstrukciju, adaptaciju i sanaciju postojećih objekata javnih zdravstvenih ustanova.

- Ovim sredstvima pružamo konkretnu potporu

Sredstva su dobili:

Dom zdravlja „Dr. Mustafa Šehović“ Tuzla (200.000 KM), Dom zdravlja Konjic (187.893 KM), Zavod za javno zdravstvo BPK (25.000 KM), Kantonalna bolnica „Dr. Safet Mujić“ Mostar (197.885 KM), Dom zdravlja Kakanj (46.884 KM), Kantonalna bolnica Livno (187.561 KM), Kantonalna bolnica Orašje (166.481 KM), Bolnica Travnik (179.817 KM), Dom zdravlja Travnik (51.799 KM), Dom zdravlja Jablanica (112.498 KM), Dom zdravlja Tomislavgrad (89.625 KM), Dom zdravlja Busovača (48.617 KM), Dom zdravlja Rama (61.350 KM), te Opća bolnica Konjic (111.233 KM), kao i Dom zdravlja „Dr. Isak Samokovlija“ Goražde (133.357 KM).

iz Proračuna Federacije BiH. Ugovore je potpisao federalni ministar zdravstva Nediljko Rimac s predstavnicima zdravstvenih ustanova koje su ostvarile pravo na sredstva po provedenom javnom pozivu Federalnog ministarstva zdravstva.

U priopćenju se navodi da su sredstva osigurana Proračunom Federacije BiH za 2025. godinu u okviru transfera „Tekući transfer drugim razinama vlasti i fondovima – transfer za sanaciju zdravstvenih ustanova u Federa-

zavstvenim ustanovama, kako bismo poboljšali uvjete rada i osigurali kvalitetnije i dostupnije zdravstvene usluge za građane Federacije BiH, naglasio je ovom prilikom ministar Rimac.

Dodjela sredstava ima za cilj unaprijeđenje uvjeta rada i osiguranje kontinuiteta pružanja zdravstvenih usluga, uz jačanje kapaciteta zdravstvenog sistema i ujednačavanje prava osiguranika na području Federacije BiH, priopćeno je iz Federalnog ministarstva zdravstva.



MINISTAR HRNJIĆ S PREDSTAVNICIMA UN WOMEN U BIH I GENDER CENTRA RAZGOVARAO O NASTAVKU SARADNJE

“Žene pokretačice razvoja u poljoprivredi i ruralnim sredinama”

Federalni ministar poljoprivrede i šumarstva Kemal Hrnjić održao je sastanak s predstavnicima UN Women u Bosni i Hercegovini i Gender centra Federacije Bosne i Hercegovine.

Iz Federalnog ministarstva poljoprivrede, vodoprivrede i šumarstva saopćeno je da je tema sastanka bila analiza uspješne saradnje tokom 2025. godine, s posebnim fokusom na rezultate projekta „Žene pokretačice razvoja u poljoprivredi i ruralnim sredinama“.

Navode da je cilj projekta bio otkloniti strukturalne barijere s kojima se suočavaju žene u ruralnim područjima kroz uvođenje tehnologija koje štede vrijeme i olakšavaju njihov rad,

te predstaviti inovativne izvore finansiranja. Projekt je finansirala Švedska, a zajednički su ga proveli UN Women BiH i FAO, u partnerstvu s resornim federalnim ministarstvom.

Ministar Hrnjić tokom sastanka naglasio je značaj podrške ženama u poljoprivredi.

- Mi ćemo nastaviti podržavati inicijative koje olakšavaju rad žena i otklanjaju strukturalne barijere jer su

- Uvođenje tehnologija i inovativnih modela finansiranja pokazuje da kada institucije i organizacije rade zajedno, rezultati su vidljivi i dugoročno održivi, istakla je Bishop.

upravo žene ključni pokretači održivog razvoja naših ruralnih područja, rekao je ministar Hrnjić.

Direktorica UN Women u BiH Jo-Anne Bishop naglasila je da je saradnja s Federalnim ministarstvom poljoprivrede, vodoprivrede i šumarstva omogućila konkretne promjene u životima žena u ruralnim sredinama.

- Uvođenje tehnologija i inovativnih modela finansir-



anja pokazuje da kada institucije i organizacije rade zajedno, rezultati su vidljivi i dugoročno održivi, istakla je Bishop.

Sastanku su prisustvovali i članice tima nadležnog za realizaciju projekta, što je omogućilo detaljnu diskusiju o planovima za naredni period i potencijalnim novim projektima u okviru saradnje sa UN Women i Gender centrom Federacije BiH.

Projekt „Žene pokretačice razvoja u poljoprivredi i ruralnim sredinama“ finansirala je Švedska, a implementiraju ga UN Women BiH i Food and Agriculture Organization of the United Nations (FAO), saopćeno je iz Federalnog ministarstva poljoprivrede, vodoprivrede i šumarstva.



PETO

GODIŠNJE DOBA

NIHA ^{Džanić} NINSKI

U svijetu u kojem su svi znali

Živimo u kulturi privremenog života. Privremeni poslovi, privremene plate, privremene istine i privremeni moral. Sve je na čekanje, osim umora. Ljudi ne žive, oni borave u vlastitom životu, kao podstanari koji se ne raspakuju jer “ionako neće dugo”. Rad je postao nova religija. Ne pita se jesi li dobar čovjek, nego jesi li stalno zauzet. Ako nemaš vremena, znači da vrijediš. Ako si iscrpljen, sistem ti zahvaljuje. Odmor je luksuz, mir sumnjiv, a normalan život nešto između lijenosti i slabog karaktera. Istovremeno, nikad više stručnjaka. Svi sve znaju o svijetu, krizama i tuđim životima. Ali kad dođe red na vlastiti, nastaje muk. Lakše je analizirati planetu nego priznati da si izgorio. I onda se, sasvim “neočekivano”, pojavi ime poput Epsteina. Čovjek kojeg su svi znali. Bio je tamo gdje treba, s ljudima koji odlučuju, dovoljno vidljiv da postane nevidljiv. Godinama prisutan, godinama tolerisan, dok više nije mogao stati u fusnotu. To nije greška sistema, nego njegova funkcija. Moral važi dok ne smeta. Istina je važna dok ne ugrožava moć. Odgovornost postoji, ali uglavnom kao teorijski pojam za konferencije. U praksi svi su šokirani, ali niko kriv. Normalni ljudi u toj priči ostaju kolateralna šteta. Bez zaštite, bez buke, bez prostora. Oni samo rade, umaraju se i gledaju kako se sistem svaki put iznova pravi iznenađen. A kad istina ispliva, slijedi optimizam. “Idemo dalje.” “Izolovan slučaj.” Optimizam kao oblik nasilja briše težinu i traži da ne kvarimo atmosferu. Jer u svijetu u kojem su svi znali, jedini problem je što se od nas očekuje da zaboravimo. A mrtva usta žrtvi ne govore, oni koji imaju šta reći, bojim se da će patiti od zaborava, jer nije Epstein bio usamljeni ludak, iza njega itekako stoji oligarhija moćnika čije prijateljstvo nije čak ni krio, a dovoljno su okuraženi da mogu učutkati i najgovornijima usta, istorija je to pokazala zar ne? U isto vrijeme, kod nas počinje predizborna kampanja. Stara trulež, ali na novom nivou. Više muljanja, više ogovaranja, više laži bolje upakovanih i praznijih nego ikad. Moral se prodaje na komad, istina je na sniženju, a odgovornost trenutno nije dostupna. I uprkos svemu, uvijek se pojavi šačica entuzijasta. Ljudi koji još vjeruju da se zlu može stati na rep, da pokvarenost nije sudbina i da obespravljenost nije normalno stanje. Možda neće pobijediti brzo, ali sama činjenica da još postoje najveća je prijetnja sistemu koji računa na umor, cinizam i zaborav. Zato se stalno insistira da se ide dalje. Jer ništa ne plaši više od ljudi koji još nisu odustali.

KANTONALNI ZVANIČNICI NA SARAJEVO ENERGY FORUMU

Podrška domaćim kompanijama koje razvijaju rješenja u oblasti energetske efikasnosti i održivog razvoja

Sarajevo Energy Forum – SEF 2026, četvrti međunarodni forum, posvećen aktualnim temama iz oblasti energetike i energetske budućnosti Bosne i Hercegovine i regije, okupio je stručnjake, predstavnike poslovne i akademske zajednice te institucija vlasti Bosne i Hercegovine i regije.

Forum je podržala i Vlada Unsko-sanskog kan-

tona, koju na forumu predstavljaju Ministarstvo poljoprivrede, vodoprivrede i šumarstva i Ministarstvo za građenje, prostorno uređenje i zaštitu okoliša na čelu sa resornim ministrima Edvinom Alijanovićem i Edvinom Odobašićem koji se obratio okupljenima na otvaranju ovog događaja.

Predstavnici Vlade Unsko-sanskog kantona, mi-



nistar Odobašić i ministar Alijanović te savjetnik premijera Božidar Živko posjetili su i štand firme Airvent,

jedinog izlagača sa područja Unsko-sanskog kantona na ovogodišnjem Sarajevo Energy Forumu, te izrazili podr-

šku domaćim kompanijama koje razvijaju rješenja u oblasti energetske efikasnosti i održivog razvoja.

- Energetska tranzicija ne može se posmatrati odvojeno od resora ova dva ministarstva. Konkretno, sektori poljoprivrede, vodoprivrede i šumarstva koriste iste resurse: zemljište, vodu i šume i zato zahtijevaju usklađene politike, jasne zakone i snažne institucije.

Samo sa koordiniranim i transparentnim upravljanjem prirodnim resursima možemo suzbiti korupcijske i tržišne rizike i osigurati povjerenje investitora, međunarodnih partnera i građana. Harmonizacija kantonalnih i federalnih propisa ključna je kako bi se spriječile pravne praznine i osigurala jednaka pravila za sve aktere, kazao je ministar Alijanović.

specijal

U okviru specijala "Krajiški prvaci pregalaštva", koji donosi životne i profesionalne priče ljudi čiji su putevi obilježeni radom, odgovornošću i trajnim doprinosom zajednici, donosimo razgovor s Nikolom Findrikom, vanrednim profesorom Pravnog fakulteta Univerziteta u Bihaću, pravnikom i bivšim ministrom pravosuđa i uprave Unsko-sanskog kantona. Nikola Findrik rođen je 1982. godine u Bihaću, gdje je odrastao i gdje i danas živi. Njegov profesionalni i akademski rad vezan je za oblasti krivičnog prava, kriminologije i penologije, dok je njegov javni angažman prepoznat kroz institucionalni rad i učešće u procesima reforme pravosuđa i državne uprave. U periodu od 2017. do 2018. godine obavljao je funkciju ministra pravosuđa i uprave u Vladi Unsko-sanskog kantona, gdje je, između ostalog, bio uključen u unaprjeđenje kaznene politike, razvoj alternativnih krivičnih sankcija i reformu sistema državne službe. U razgovoru koji slijedi, Findrik govori o djetinjstvu prekinutom ratom, porodičnom stradanju, sazrijevanju u teškim okolnostima, putu kroz školovanje i akademsku karijeru, ali i o iskustvu političkog angažmana, ključnim problemima bh. politike, potrebi za suštinskim reformama, društvenom aktivizmu, humanizmu, međunacionalnim odnosima u Unsko-sanskom kantonu te poruci mladima u vremenu opće društvene nesigurnosti.

KRAJINA: Rodeni ste i odrasli u Bihaću. Kako pamтите svoje djetinjstvo?

Nikola Findrik: Rođen sam u Bihaću, odrastao u Bihaću i cijeli svoj život provodim ovdje. Negdje u periodu početka osnovne škole zadesio me rat. Upravo su me rat i okolnosti vezane za rat u velikoj mjeri formirali kao današnju ličnost. Sa nekih osam godina moj otac je zarobljen na samom početku rata, čak štaviše, zarobljen je onog dana kada se počelo pucati. Bio je Bajram 1992. godine. Dan ili dva poslije toga izbjegli smo iz Golubića, pod kišom metaka i granata, provlačeći se kroz blatni kanal, preko raskomadanih tijela. Ja sam srednje dijete, imam dvije mlade sestre - jedna je tada imala dva mjeseca, druga dvije godine. Nekako u tom trenutku moje djetinjstvo je prestalo. Došao je novi život i nove obaveze - nabavka ogrjeva, već prve zime odlazak u

šumu i sve ono što je ratno vrijeme nosilo sa sobom. Prije nekoliko godina, otprilike, moj sin je bio tog uzrasta, danas je malo stariji, ali tada mi mama kaže da ga ispratim do prijatelja, nekih stotinjak metara od naše kuće. Ja joj kažem: "Kuda da ga ispratim, ti si mene slala u šumu, u ratu, u tom periodu." Ona mi odgovara da tada nisam bio sam, da je u šumi uvijek bilo još ljudi koji su sjekli drva. I upravo zbog toga, iako je to bio ružan i težak period, na neki način bio je i lijep period. Emocije su pomiješane kada se prisjetim tog vremena. Nekada čak znam reći da mi je taj period bio možda i najbolji dio života, gledano iz perspektive onih još uvijek nezrelih misli, jer sa osam ili devet godina i nema nekakvih zrelih razmišljanja. Prisjećam se odlazaka na Jotane i na Ljubavno, preplivavanja Une na kritičnim terenima, kao i svih drugih dječijih, vragolastih igara i dešavanja. Možda je o nekima i bolje ne govoriti, jer kada bih danas čuo da moje dijete radi isto, ne znam šta bih napravio. Upravo to djetinjstvo u ratu učinilo je da vrlo rano sazrijem.

KRAJINA: Vaš otac je stradao u ratu. Koliko je to obilježilo Vaš život?

Nikola Findrik: Otac je zarobljen i pronađen tek 2003. godine - nije preživio. Tog dana odveden je u IMT tvornicu u Ripču zajedno s jednim komšijom Bošnjakom i jednim Srbinom kod kojeg su išli, jer je bio na izviđačkom zadatku. Taj Srbin kod kojeg su išli uspio se spasiti tako što je prodao, odnosno "prodao" pod navodnicima, odnosno prepisao svoju imovinu nekome i uspio se izvući preko Srbije i Mađarske, te danas živi u Australiji. Moj otac i taj komšija ubijeni su istog dana. Pronađeni su kao posljednji u masovnoj grobnici, a preko njih je bilo još oko sedamdesetak ubijenih mještana naselja Orašac. Radi se o jami Tihotina, gdje su i pronađeni, a koju možemo vidjeti s ulaznih vrata naše kuće, tako da mi je i ona svakodnevni podsjetnik. Kada smo ga 2003. godine pronašli, prethodile su tome brojne priče i informacije. Naravno, tragali smo za njim još od prvih razmjena, još 1992. godine, ne znam tačno u kojem periodu, kada je navodno njegovo tijelo bilo na spisku. Ispostavilo se da je u toj vreći bila neka druga osoba, žena, pa sve do konačnog pronalaska. Dakle, postojao je čitav sijaset različitih i često kontradiktornih informacija prije nego što je istina konačno utvrđena. Kada je odveden,

KRAJIŠKI PRVACI PREGALAŠTVA: NIKOLA FINDRIK

Znanje je jedini stvarni



otac je bio mlađi nego što sam ja danas - imao je 37 godina.

KRAJINA: Kako je izgledao Vaš put kroz školovanje?

Nikola Findrik: Srednju školu sam upisivao razmišljajući šta bi mi u datom trenutku bilo najpametnije. Upisao sam školu koja bi bila dobar oslonac za studij koji, po svemu sudeći, najvjerojatnije neću upisati. Bila je to medicinska škola, koja je u tom periodu imala izuzetno dobar program, gotovo sličan gimnazijskom, i davala je dobre mogućnosti za eventualni nastavak studija. Ipak, bio sam ubijeden da do toga vjerovatno neće doći, jer sam planirao da idem raditi i da se brinem o porodici. U međuvremenu se starija sestra udala pod određenim okolnostima. Brat je odmah po okončanju rata otišao, upisao srednju školu, odnosno zanat kojim se naša porodica inače bavi, i danas živi u Zagrebu. Ja sam u tom periodu ostao s mamom i sestrama i, naravno, morao sam se brinuti o njima. Bio je to i period kada su nas, iz nekog razloga, kroz određenu reviziju, skinuli sa spiska pripadnika boračke populacije. Tada smo, godinu, dvije, pa i tri, vodili - zapravo mama je vodila - pravnu bitku da dobije bilo kakva sredstva. Bili smo bez ikakvih primanja, pa sam, uz školovanje, morao i raditi. Zbog svega toga bilo je vrlo izvjesno da neću studirati. Važno je napomenuti i da smo se odmah nakon rata vratili u Golubić. Nakon završetka medicinske škole otišao sam na kratko raditi honorarno, odnosno sezonski, u Italiju, gdje sam zaradio nešto novca. Po povratku sam donio odluku da ipak mogu studirati, odnosno da tim novcem, uz nastava-

vak sezonskih poslova, mogu obezbijediti svoj studij i istovremeno voditi brigu o sestrama i mami. Bila je to bučna odluka - da me mama danas čuje kako o tome govorim, siguran sam da bi me i dalje izgrdila. Pravni fakultet sam izabrao igrom slučaja. Isključivo iz razloga što je u tom trenutku bilo slobodno mjesto na Pravnom fakultetu i zato što se nalazi u Bihaću. Ljubav je uvijek bila medicina i možda je dijelom i ostala, ali kako godine prolaze i kako sam sve dublje u ovom poslu, ta želja polako blijedi, a neke stvari se i zaboravljaju. Dakle, pravo je došlo slučajno. Nisam imao mogućnost da idem negdje drugo, niti sam imao mogućnost da plaćam drugu prijavu ispita. Koliko god ta cijena bila mala, meni je bila velika. Morao sam ići na sigurno, i vjerovatno je i iz toga proizašao taj kasniji uspjeh. Fakultet sam upisao 2001. godine. U mojoj generaciji nas je bilo jako mnogo. Na prvoj godini sam kasnije saznao da amfiteatar ima 220 sjedećih mjesta, ali smo sjedili i na pomoćnim stolicama i na stepenicama. Bilo nas je zaista mnogo bruceša, barem na predavanjima poput Rimskog prava i drugih predmeta kod profesorice, famozne Dženane. Redovni studij prava upisalo je 180 studenata. Od te generacije prvoupisanih, nas 12 je diplomiralo otprilike u razmaku od dva dana i svi smo bili na zajedničkoj promociji. Naravno, bilo je i drugih diplomiranih, ali iz ranijih generacija. Ja sam generacija iza Albina Muslića, Amre, Albijane Trnavci, Elvedina Sedića i Belme. Sa mnom je fakultet upisala i završila kolegica Bećiraj, koja je danas vanredna profesorica na građanskopravnoj oblasti. Bilo je

“Društvenog aktivizma, zapravo, ima dosta i on mi mnogo znači. S jedne strane, on izgrađuje čovjeka kao individu, kada govorimo o ličnom planu, a s druge strane donosi korist i društvu u cjelini, kao i svim njegovim članovima. U određenim segmentima institucije jednostavno ne mogu u potpunosti odraditi svoj posao - ili zato što nisu dovoljno kapacitirane, ili zato što ne mogu doprijeti do određenih problema zbog nedostatka povjerenja u institucije...

tu i studenata poput Samira Sedića, koji je bio ministar poljoprivrede u Vladi premijera Izudina Sračevića, potom ministar privrede u jednoj rekonstrukciji Vlade premijera Huseina Rošića, a danas radi u Ministarstvu zdravlja Unsko-sanskog kantona. Neki su napustili pravo, neki su danas uspješni advokati, sudije, tužitelji ili državni službenici. Dakle, ima nas. Od tih možda poznatijih, izdvojio bih Asmiru i Samira.

KRAJINA: Kakav je bio studij prava u to vrijeme?

Nikola Findrik: Za razliku od današnjeg studija, koji je koncipiran kroz jednosemestralne predmete, kolokvije, predispitne obaveze i sistem bodovanja, mi smo imali obimne predmete i veliku količinu literature iz svakog predmeta. U pravilu, pored onoga što se nazivalo obaveznom literaturom, nama je i preporučena literatura bila obavezna. Iz pojedinih predmeta imali smo nešto što smo tada nazivali kolokvijima ili nečim sličnim tome, ali u najvećem broju slučajeva ti kolokviji nam nisu mnogo značili, jer smo na završnom ispitu ponovo polagali kompletnu materiju. Ipak, i ti kolokviji su imali svoju vrijednost, jer su nas tjerali da učimo kontinuirano. Predmete smo slušali od oktobra do juna, kroz dva semestra. Nije bilo jednosemestralne nastava-

ve, niti ovih današnjih rokova poput januarskog, februarskog ili aprilskog. Poseban izazov bio je poslijeratni period, nedostatak literature i nemogućnost njene nabavke. Internet je tada tek nastajao, odnosno bio je u povojima na našem području. Odlazak u Kantonalnu biblioteku, sa sedam, osam ili deset računara, koliko ih je već bilo, bio je sastavni dio studiranja. Dial-up povezivanje, krčanje, prekidi veze i stalno ometanje koncentracije bili su svakodnevnica, i to pod uslovom da uopće uspijem doći na red za računar, jer

je najčešće neko već bio tu, pa se čekalo. Uprkos svemu, bio je to jedan lijep period. Mislim da smo bili bliži jedni drugima, da smo se više fizički družili, više komunicirali i bili više usmjereni jedni na druge. Pomagali smo jedni drugima u situacijama kada neko nije mogao doći na predavanje, pa bi mu neko drugi dao svoje bilješke. Imam osjećaj da se to danas kod mlađih generacija polako gubi. Vjerujem da i oni dijele bilješke, ali to je neki drugačiji vid - nije to ono da sjednemo uz kafu ili na klupu u parku, da zajedno čitamo, upoređujemo i razgovaramo. Danas su tehnika i tehnologija, paradoksalno, dovele do određenog udaljavanja ljudi, iako bi nas u konačnici trebale zbližavati.

KRAJINA: Kako ste spojili akademsku i političku karijeru?

Nikola Findrik: I politika je bila splet okolnosti. Vjerovatno sam, dijelom zbog svoje nacionalnosti, a dijelom zbog struke, pozvan da budem član te Vlade. Nekada u životu treba promijeniti svakodnevicu, pa i posao koji radite - koliko god on bio dinamičan i nimalo monoton, a tu prvenstveno mislim na visoko obrazovanje. Ipak, čovjek osjeti potrebu da izađe iz tog okvira, da vidi i onu "vanjstinu" i da se okuša u nečemu drugačijem. Politika me, sama po sebi, nikada nije posebno zanimala. Međutim,

izlaz iz društvene krize

upravo tada sam odlučio da budem dio politike, da pokušam, jer nisam želio da sebi sutra mogu prigovoriti da nisam ništa pokušao. Smatram da onda nemaš ni pravo da kritiziraš. Moram reći da je to za mene bilo jedno zanimljivo iskustvo. Bio je to saziv Vlade od 2016. do 2018. godine, otprilike dvije do dvije i po godine mandata, na poziciji ministra pravosuđa i uprave. To je ujedno bio period kada se na federalnom nivou, a potom i na kantonalnom, donosio Zakon o državnoj službi, na koji sam posebno ponosan. Tim zakonom uspjeli smo barem započeti jednu stepenicu u razvoju državne službe u smislu transparentnog i meritornog zapošljavanja. Bili smo među prvima u Bosni i Hercegovini koji su uveli obavezu rukovodioca organa da primi najbolje kandidate sa liste uspješnih kandidata, a ne da bira po nekim drugim kriterijima - po principu svidanja ili nesvidanja, ili nekim sličnim, subjektivnim mjerilima. Nastojanje tadašnje šefice odsjeka u Ministarstvu pravosuđa, s kojim sam radio na tom zakonu, i moje lično nastojanje,

nirao sam na način da me politika nije stvorila, pa tako nije mogla ni upravljati mnome. Bilo je određenih situacija, zaista rijetkih i uglavnom bezazlenih, u kojima su postojali pokušaji utjecaja. Ne govorim o nekim krupnim stvarima, ali sam tada znao reći: "Šta mi možeš? Ne možeš me smijeniti. Hoćeš da podnesem ostavku? Slobodno. Mene to ne zanima." Ministarstvo pravosuđa, u suštini, nije toliko političko koliko je stručno ministarstvo. Jedan od osnovnih poslova jeste davanje stručnih mišljenja na propise prije njihovog donošenja. Dešavalo se da nekome to mišljenje ne odgovara, pa pokuša izvršiti pritisak. U takvim situacijama bih rekao: "Dovedite onda nekoga ko će napisati drugačije mišljenje. Ja stojim iza ovog stručnog mišljenja." U tome se nisam dao zbuniti.

UNSKO-SANSKE NOVINE KRAJINA: Gdje vidite ključne probleme bh. politike i koje reforme su najhitnije?

Nikola Findrik: Generalno govoreći, dakle ne samo kada je u pitanju politika u našem

ciju, niti imamo izgrađen sistem građanske odgovornosti. I to je, dobrim dijelom, posljedica dugogodišnjeg komunističkog sistema - ne u smislu zatupljivanja, nego ulijenjivanja određenih moždanih navika, tog obrasca razmišljanja prema kojem pojedinac kaže: "Ne mogu ja ništa promijeniti." Većina ljudi smatra da svojim glasom, svojim javnim istupanjem ili obraćanjem ne može potaknuti nikakve promjene. Međutim, šutnja i nekritiziranje onoga što ne valja u suštini znači podržavanje onoga što ne valja. Kada govorimo o političkoj situaciji u Bosni i Hercegovini, posebno u kontekstu Dejtonskog mirovnog sporazuma i Ustava BiH koji je iz njega proizašao, radi se o izuzetno kompleksnom pitanju. Ako mi dozvolite, rekao bih da su sve tri strane na neki način bile primorane da prihvate Dejton kao mirovni sporazum. Možda je to u tom trenutku bilo rješenje koje je donijelo mir, ali je, nažalost, dugoročno ostavilo ozbiljne posljedice po budućnost Bosne i Hercegovine. Dejtonski ustav, odnosno Ustav BiH, sastavni je dio tog sporazuma, ali to ne

na globalnom nivou, tako i danas, svjedočimo jačanju i dominaciji desnice, čak i u demokratskim društvima. Ključni problem Bosne i Hercegovine leži u izraženim interesima pojedinaca i interesnih grupa, koji se realiziraju upravo održavanjem ovakvog sistema odlučivanja kakav je postavljen Dejtonom. Pozivanjem na nacionalne interese jedne, druge ili treće strane, u suštini sve tri strane, najiskrenije rečeno, održavaju i podržavaju ovaj sistem, jer on svima njima odgovara. I tu ne govorim samo o vladajućim strukturama, nego i o opoziciji, koja se nada da će jednog dana postati dio te iste vladajuće strukture. Kada govorimo o reformama, jasno je da ih treba više. Ja polazim iz svoje kuće, odnosno iz svoje struke, i smatram da je reforma pravosuđa ključna. Za funkcionisanje svakog društva nužno je nezavisno i objektivno pravosuđe. Sudska vlast, odnosno pravosuđe, kao treći stup vlasti, po principu takozvanog check and balances, predstavlja kočnicu i zakonodavnoj i izvršnoj vlasti u njihovim samovoljama i propustima. Ali ovdje govorim o stvarnoj, suštinskoj reformi pravosuđa, a ne formalnoj ili kozmetičkoj. Naravno, postoje i sitne izmjene koje su potrebne, ali one same po sebi nisu dovoljne. U kontekstu ovog ubistva u Mostaru, odnosno femicida u Mostaru, imao sam i neka online predavanja za mostarske studente. Nisu bila na tu temu, ali su me pitali upravo o tome, i tada sam naglasio da borba protiv kriminala, pa i tog vida kriminala, u velikoj mjeri zavisi od pravosuđa. Učinkovita kaznena politika, kazna koja odvra-

vremena kritikovali naše pravosuđe kada su u pitanju silovanja. Ili nije bilo osuđujućih presuda, ili su one rijetke osuđujuće presude završavale uslovnim osudama ili vrlo malim efektivnim kaznama zatvora. A onda u posljednjih nekoliko godina dolazimo u situaciju da, ako uzmemo samo sudsku statistiku, kažemo: "Svaka čast, vidi se da su se reformirali, promijenili kaznenu politiku." Međutim, kada zagrebemo malo ispod površine, vidimo da su u tim statistikama najčešće migranti ti koji su možda učinili, a možda i nisu učinili ta krivična djela. Dakle, strogoća se testira selektivno. Statistički to možda izgleda kao napredak,

konkretnim slučajevima. Tu prije svega mislim na aktiviste koji se bave zaštitom različitih kategorija ljudskih prava, kao i na one koji rade s osobama u nevolji, poput ovisnika i drugih marginaliziranih skupina. S druge strane, i sama javna riječ - izgovorena riječ, dijeljenje stavova i uvjerenja, te utjecaj na svijest i javno mnijenje - može itekako doprinijeti određenom boljitku i razvoju društva. Upravo kroz takav angažman dolazi do humaniziranja odnosa među ljudima. Kada govorimo o humanizmu i humanitarnim udruženjima iz perspektive vjere, konkretno katoličanstva, važno je razumjeti širi kontekst. Postoje brojne misije katoličanstva, kao i

“... I politika je bila splet okolnosti. Vjerovatno sam, dijelom zbog svoje nacionalnosti, a dijelom zbog struke, pozvan da budem član te Vlade. Nekada u životu treba promijeniti svakodnevicu, pa i posao koji radite - koliko god on bio dinamičan i nimalo monoton, a tu prvenstveno mislim na visoko obrazovanje. Ipak, čovjek osjeti potrebu da izađe iz tog okvira, da vidi i onu “vanjštinu” i da se okuša u nečemu drugačijem. Politika me, sama po sebi, nikada nije posebno zanimala. Međutim, upravo tada sam odlučio da budem dio politike, da pokušam, jer nisam želio da sebi sutra mogu prigovoriti da nisam ništa pokušao...”

ali suštinski se ništa nije promijenilo. Isto tako, borba protiv korupcije mora biti stvarna, učinkovita i efikasna. Ne borba forme radi, ne borba radi otvaranja novih institucija ili novih radnih mjesta, nego istinska borba protiv korupcije. Najvažnije od svega jeste da svaka reforma mora rezultirati stvarnim povjerenjem građana u institucije. Bez tog povjerenja, nijedna reforma nema puni smisao.

UNSKO-SANSKE NOVINE KRAJINA: Šta za Vas znači pregalaštvo i kako gledate na humanizam iz perspektive vjere?

Nikola Findrik: Društvenog aktivizma, zapravo, ima dosta i on mi mnogo znači. S jedne strane, on izgrađuje čovjeka kao individu, kada govorimo o ličnom planu, a s druge strane donosi korist i društvu u cjelini, kao i svim njegovim članovima. U određenim segmentima institucije jednostavno ne mogu u potpunosti odraditi svoj posao - ili zato što nisu dovoljno kapacitirane, ili zato što ne mogu doprijeti do određenih problema zbog nedostatka povjerenja u institucije. Upravo tada društveni aktivizam dolazi do izražaja, jer određeni pojedinci ili grupe uspijevaju doprijeti do same suštine problema i pomoći u

misije drugih religija, koje su usmjerene na širenje vjere, ali i na pomaganje ljudima. Unutar katoličanstva posebno bih izdvojio pojedine svećeničke redove, prije svega franjevece, koji su naročito privrženi narodu. Franjevci su u Bosni i najdominantniji, ali naravno postoje i drugi redovi. Njihov način života, koji u velikoj mjeri naginje asketizmu, šalje snažnu poruku drugima da trebaju biti dobročinitelji i da žive u službi zajednice. U konačnici, osnovna postavka katoličanstva, odnosno kršćanstva općenito, kroz biblijska učenja i kroz učenje o Isusovom životu, jasno ukazuje na karitativni i milosrdni kontekst. Riječ je o milosrđu koje nam sam Bog daje, a koje bi, prema tom učenju, trebalo da prenosimo i na druge. Sjećam se još iz djetinjstva, sa vjeronauke, kada je vjeroučitelj objavio onih famoznih Deset Božijih zapovijedi. Jedan dio tih zapovijedi odnosi se na odnos čovjeka prema Bogu, dok se drugi dio odnosi na odnos čovjeka prema čovjeku. Simbolično, samo tri zapovijedi uređuju odnos čovjeka i Boga, dok se čak sedam odnosi na međuljudske odnose. Upravo zbog toga katolička crkva, u svom izvornom djelovanju, nastoji svoje pripadnike stalno poučavati tim vrijednostima -

“... Smatram da su na ovom području međuljudski odnosi itekako dobri. Naravno, ima određenih ekscesa, ali to su pojedinačni slučajevi koji dolaze sa svih strana i ne treba ih uzimati kao pravilo niti kao sliku cjelokupnog društva. Takve pojave treba držati pod kontrolom, ali ne treba graditi narative u tom pravcu. Akcija jednog pojedinca ne može i ne smije značiti akciju cijelog društva. Čak štaviše, imam osjećaj da su ljudi na ovom području poprilično empatični i osjetljivi, pa i kada je riječ o međureligijskim odnosima...”

znači da se on ne može mijenjati. U jednom periodu, otprilike između 2008. i 2011. godine, u našoj državi se osjetio određeni reformski zamah. Postojao je duh pozitivizma i određena nada u budućnost i opstanak. Nakon toga, kako

ća potencijalnog počinitelja od izvršenja krivičnog djela, izvjesna kazna - ne kažem nužno prebrza, ali dovoljno brza i izvjesna - a ne nužno visina kazne, može doprinijeti smanjenju kriminaliteta. Zašto ovo govorim? Zato što smo dugo



bilo je da idemo i korak dalje. Posebno zato što je reforma državne službe već bila započeta i na federalnom nivou. Smatrali smo da bi trebalo unaprijediti i sistem stručnog ispita, jer ovaj današnji, iako možda najobjektivniji, nije nužno i najbolji pokazatelj stvarnog znanja. Imali smo određene ideje u tom pravcu, ali ih, nažalost, nismo uspjeli realizirati. I ona i ja smo u međuvremenu napustili Ministarstvo pravosuđa, pa ta ideja nije privedena kraju. Ipak, nadam se da će neke nove generacije nastaviti tim putem i unaprijediti ono što je započeto. Funkcio-

kantonu ili u našoj državi, nego politika uopće, uvijek je neki interes u pitanju. I to je, u određenoj mjeri, legalno i legitimno. Političari imaju svoje interese, bilo privatne, lične ili neke druge, i naravno da imaju motivaciju da se bave politikom. Problem nastaje onda kada taj interes, po svom intenzitetu, nadvlada javni interes. U tom trenutku dolazimo u ozbiljan problem, jer se na uštrb javnog interesa ne smije eksploatirati lični interes. Nažalost, to je nešto o čemu najveći broj političara ne vodi dovoljno računa. S druge strane, nemamo ni dobru opozi-

specijal/kanton

“kroz propovijedi, mise i druge oblike vjerskog života. Na taj način se vrši stalna edukacija vjernika. Redovno se organiziraju i misionarske nedjelje, prikupljaju se priloge za različite ugrožene kategorije ljudi, često u udaljenim i nama nepoznatim krajevima, poput misija u Africi. Sve su to aktivnosti koje imaju izražen karitativni i humanitarni karakter.

Unsko-sanske novine
KRAJINA: Kakav je po Vama status Hrvata u Bihaću i Unsko-sanskom kantonu?

Nikola Findrik: Na sreću, na našem području nije bilo sukoba između Bošnjaka i Hrvata

zajedno odrastamo i zajedno živimo. Naravno, situacija je drugačija u nekim drugim dijelovima Bosne i Hercegovine, gdje je bilo sukoba, gdje su dominantni jedni ili drugi i gdje je izražen problem iseljavanja. Prije nekoliko godina, kada je jedan od, kako se često kaže, hrvatskih “legitimnih predstavnika” dolazio u Bihać, u kantonu Dnevniku je, po ko zna koji put, naglašavao ugroženost Hrvata, posebno na području Unsko-sanskog kantona, kroz priču o slabom zapošljavanju i sličnim pitanjima. U tom kontekstu dolazi moj rođak i kaže: “Vidiš, mi smo stvarno ugroženi, niko od nas ne radi.” A

nicima manjine, ponekad i na uštrb većine, bilo da govorimo o zapošljavanju ili drugim segmentima. Upravo zbog toga smatram da se mi na ovim prostorima s pravom možemo ponositi dobrim odnosima između Hrvata i Bošnjaka.

Unsko-sanske novine
KRAJINA: Koja je Vaša poruka čitaocima, posebno mladima?

Nikola Findrik: Mislim da je znanje budućnost svih nas. Vjerujem da samo znanjem možemo osigurati kako lični, tako i univerzalni napredak našeg društva. Upravo zbog toga posebno mlade pozivam da ne traže prečice, nego da,



“Rođen sam u Bihaću, odrastao u Bihaću i cijeli svoj život provodim ovdje. Negdje u periodu početka osnovne škole zadesio me rat. Upravo su me rat i okolnosti vezane za rat u velikoj mjeri formirali kao današnju ličnost. Sa nekih osam godina moj otac je zarobljen na samom početku rata, čak štaviše, zarobljen je onog dana kada se počelo pucati. Bio je Bajram 1992. godine. Dan ili dva poslije toga izbjegli smo iz Golubića, pod kišom metaka i granata, provlačeći se kroz blatni kanal, preko raskomadanih tijela. Ja sam srednje dijete, imam dvije mlađe sestre - jedna je tada imala dva mjeseca, druga dvije godine. Nekako u tom trenutku moje djetinjstvo je prestalo. Došao je novi život i nove obaveze - nabavka ogrjeva, već prve zime odlazak u šumu i sve ono što je ratno vrijeme nosilo sa sobom...

i to je, po meni, izuzetno dobra stvar. Da je bilo, možemo samo zamišljati kakvi bi se scenariji desili i mislim da se time ne trebamo baviti. Smatram da su na ovom području međuljudski odnosi itekako dobri. Naravno, ima određenih ekscesa, ali to su pojedinačni slučajevi koji dolaze sa svih strana i ne treba ih uzimati kao pravilo niti kao sliku cjelokupnog društva. Takve pojave treba držati pod kontrolom, ali ne treba graditi narative u tom pravcu. Akcija jednog pojedinca ne može i ne smije značiti akciju cijelog društva. Čak štaviše, imam osjećaj da su ljudi na ovom području poprilično empatični i osjetljivi, pa i kada je riječ o međureligijskim odnosima. Ja, iskreno, ne vidim neku razliku među ljudima. Evo, sjedimo danas zajedno i ne vidim nikakvu razliku, niti je neko od nas primjećuje ili na nju obraća pažnju. Te vrijednosti se ovdje njeguju svakodnevno. Odrastao sam i danas živim u sredini u kojoj ima pripadnika sva tri konstitutivna naroda, a tu su i pripadnici nacionalnih manjina. Na kraju krajeva, i ja sam na neki način asimilirani Slaven na ovom prostoru, jer ni moje prezime ne odgovara u potpunosti ovom području. Mislim da je to kod nas jednostavno normalno - da

došao je u trenutku kada me prvo pita: “Jesi stigao s posla?” Ja ga gledam i pitam: “Kako misliš niko ne radi? Gdje ti je sin?” Kaže: “Na poslu je.” Pitam dalje: “Odakle sam ja došao? S posla. Gdje je ovaj, gdje je onaj?” I onda zaključimo da u gornjem selu, recimo, više ljudi radi nego u donjem. Naravno, nezaposlenosti ima, ali mislim da ona nije motivirana nacionalnom pripadnošću. Čak imam osjećaj da je ponekad prisutna i određena pozitivna diskriminacija, koja mi se, s jedne strane, i ne dopada, ali proizlazi iz potrebe većine da zaštiti manji dio ljudi. Dešava se da se nekada dadne više prostora pripad-

kako bi stari rekli, “zagriju stolicu” i steknu znanje. Znanje je ono što niko ne može oduzeti, a ujedno je i ono što će ih uzdići kao individue u svakom pogledu - bilo da govorimo o materijalnom, ili o duhovnom smislu. Istovremeno, znanje doprinosi i razvoju društva u cjelini. Samo neznanje nas može održavati u okolnostima u kakvim živimo danas, a u kakvima ne želimo živjeti u budućnosti i u koje se ne želimo vraćati. Mislim da je svima, manje-više, poznata činjenica da kada strane vojske dođu na određeni teritorij, prvo uništavaju ili uklanjaju inteligenciju. Za to postoji razlog.

Razgovarao: Fahrudin Vojić



ODLUKOM VLADE FEDERACIJE BOSNE I HERCEGOVINE

Izmijenjena i dopunjena Odluka o mjerama neposredne kontrole cijena određenih proizvoda i usluga od interesa za F BiH

Vlada Federacije BiH je, na prijedlog Federalnog ministarstva trgovine, donijela Odluku o izmjeni i dopuni Odluke o mjerama neposredne kontrole cijena određenih proizvoda i usluga od interesa za Federaciju Bosne i Hercegovine, kojom se brišu riječi “određivanje najvišeg nivoa cijena za pelet”.

U obrazloženju donesenih izmjena i dopuna ove odluke predlagatelj pojašnjava da je Vlada Federacije BiH 24.10.2025. godine donijela Odluku o izmjeni i dopuni Odluke o mjerama neposredne kontrole određenih proizvoda i usluga od interesa za Federaciju BiH nakon koje je bila propisana mjera neposredne kontrole

■ Cilj je, u koordinaciji sa predstavnicima trgovaca, doći do zajedničkih rješenja koja će u konačnici zadovoljiti interese građana, te osigurati stabilnost i dostupnost proizvoda na tržištu



“određivanje najvišeg nivoa cijena za pelet”, te da je nakon donošenja te odluke Federalno ministarstvo trgovine održalo sastanke sa predstavnicima trgovaca peletom. Nadalje, obrazložio je nakon detaljne analize efekata primjene propisane mjere, a s ciljem da se u koordinaciji sa predstavnicima trgovaca dođe do zajedničkih rješenja koja će u konačnici zadovoljiti intere-

se građana, te osigurati stabilnost i dostupnost proizvoda na tržištu, zaključeno da nije potrebno dalje nastaviti sa provođenjem iste. S tim u vezi, s ciljem blagovremenog intervenisanja na tržištu Federacije BiH i sprečavanja špekulativnog i neodgovornog ponašanja svih sudionika u lancu snabdijevanja peletom, neophodno je bilo izvršiti izmjenu, kao i dopunu navedene Od-

luke, te kao mjeru neposredne kontrole propisati mjeru dostavljanja obavještenja o promjeni cijena i marži za pelet (u jediničnoj mjeri KM/t), čiji promet se vrši u veleprodajnim i maloprodajnim objektima. Dodan je stav kojim se definiše energent drveni pelet za koji su privredni subjekti dužni Federalnom ministarstvu trgovine dostavljati obavještenja o promjeni cijena i marži na pelet (u jediničnoj mjeri KM/t), čiji promet se vrši u veleprodajnim i maloprodajnim objektima, saopćeno je iz Vlade Federacije BiH.



VIŠENAMJENSKI HELIKOPTER AIRBUS AS350 PREDSTAVLJEN U BIHAĆU

USK razmatra nabavku vlastite letjelice za hitne intervencije

-Nabavka vlastitog helikoptera smanjila bi dugogodišnju zavisnost Unsko-sanskog kantona od pomoći drugih kantona i viših nivoa vlasti u kriznim situacijama, što je u praksi često značilo gubitak dragocjenog vremena - Predstavници kantonálnih vlasti naglašavaju da iskustva Zeničko-dobojskog kantona mogu biti ključna u skraćivanju administrativnih procedura i uspostavljanju održivog modela finansiranja, obuke posada i tehničkog održavanja letjelice

Višenamjenski helikopter Airbus AS350, koji je Vlada Zeničko-dobojskog kantona nabavila za potrebe civilne zaštite i policije, predstavljen je na aerodromu u Golubiću kod Bihaća, u okviru radne posjete i razmjene iskustava između Zeničko-dobojskog i Unsko-sanskog kantona, u petak 30. januara.

Prezentaciju letjelice organizirali su Civilna zaštita Zeničko-dobojskog kantona i Vlada Unsko-sanskog kantona, a tokom susreta razgovarano je o procedurama nabavke, finansijskim modelima, održavanju helikoptera te obukama posada i pratećih službi, s ciljem da se iskustva Zeničko-dobojskog kantona iskoriste kao osnova za eventualnu nabavku slične letjelice za potrebe USK-a.



Jedan od prioriteta kantonalnih vlasti

Mustafa Ružnić, premijer Unsko-sanskog kantona, koji obnaša i funkciju komandanta Kantonalnog štaba Civilne zaštite, istakao je da je nabavka helikoptera prepoznata kao jedan od prioriteta kantonalnih vlasti.

- Na osnovu iskustava Zeničko-dobojskog kantona želimo skratiti proceduru i na zakonit način doći do nabavke višenamjenskog helikoptera za potrebe civilne zaštite, sigurnosti i zdravstva Unsko-sanskog kantona, izjavio je premijer Ružnić.

Adnan Habibija, ministar unutrašnjih poslova USK-a naglasio je da bi helikopter

imao višestruku primjenu u policijskim i sigurnosnim operacijama, posebno u hitnim situacijama u kojima je vrijeme reakcije presudno.

- Ovo bi bio multifunkcionalan helikopter koji bi služio civilnoj zaštiti, policiji i zdravstvenim ustanovama, naročito u slučajevima teških saobraćajnih nesreća i hitnog medicinskog transporta, gdje je brzina reakcije ključna, rekao je Habibija.

Tehničke karakteristike letjelice i njene operativne mogućnosti predstavio je Vahidin Mahmutović, pilot Civilne zaštite Zeničko-dobojskog kantona, pojasnivši da se radi o helikopteru H125 proizvođača Airbus.

- Riječ je o višenamjenskoj letjelici. Helikopter nije stalno medicinski opremljen, ali se medicinski modul može instalirati za nekoliko minuta, čime se omogućava medicinska evakuacija i transport pacijenata, kazao je Mahmutović.

Pitanje važnosti letjelice za Unsko-sanski kanton

Nabavka višenamjenskog helikoptera za Unsko-sanski kanton značila bi značajno jačanje kapaciteta civilne zaštite, policije i zdravstvenog sistema u jednom od teritorijalno i infrastrukturno najzahtjevnijih kantona u Federaciji BiH. Unsko-san-

ski kanton karakterišu planinski i šumoviti predjeli, razučena naselja i teško dostupne lokalne zajednice, ali i česte vanredne situacije - od saobraćajnih nesreća i potrage za nestalim osobama do poplava, požara i klizišta.

Vlastita letjelica omogućila bi bržu medicinsku evakuaciju iz udaljenih područja, transport povrijeđenih do zdravstvenih ustanova u Bihaću ili drugim centrima, te znatno kraće vrijeme reakcije hitnih službi u situacijama kada cestovna infrastruktura ne omogućava pravovremeni dolazak na mjesto nesreće. Poseban značaj helikopter bi imao u planinskim spasilačkim akcijama, ali i

tokom elementarnih nepogoda, kada su kopneni pravci često neprohodni.

Za policijske i sigurnosne strukture, helikopter bi predstavljao važan alat za nadzor terena, potrage, hitne intervencije i podršku složenim sigurnosnim operacijama. U kontekstu civilne zaštite, letjelica bi se mogla koristiti za izvidanje ugroženih područja, koordinaciju spasilačkih timova, ali i za gašenje požara iz zraka, u skladu s tehničkim mogućnostima.

Istovremeno, nabavka vlastitog helikoptera smanjila bi dugogodišnju zavisnost Unsko-sanskog kantona od pomoći drugih kantona i viših nivoa vlasti u kriznim

situacijama, što je u praksi često značilo gubitak dragocjenog vremena. Predstavnici kantonalnih vlasti naglašavaju da iskustva Zeničko-dobojskog kantona mogu biti ključna u skraćivanju administrativnih procedura i uspostavljanju održivog modela finansiranja, obuke posada i tehničkog održavanja letjelice.

Tokom susreta u Bihaću razgovarano je i o budućoj saradnji dva kantona, uključujući zajedničke obuke i razmjenu znanja u oblasti civilne zaštite, sigurnosti i hitnih intervencija, s ciljem jačanja spremnosti službi za odgovor na vanredne situacije.

N. Džanić



BIHAĆ


Završetak rekonstrukcije komemorativnog objekta na Gradskom groblju "Humci"

Gradsko vijeće usvojilo je zaključak o davanju saglasnosti JKP „Komrad“ d.o.o. Bihać da, u ime ranijeg investitora – prijeratnog Zavoda za izgradnju grada dovrši rekonstrukciju multikonfesionalnog komemorativnog objekta na Gradskom groblju „Humci“.

Time je napravljen prvi konkretan korak ka revitalizaciji vrijednog arhitektonskog djela bihaćkog arhi-

tekte Emira Eminagića, čija je izgradnja započeta 80-ih godina prošlog stoljeća, ali do danas nije dovršena.

Nakon ove odluke, JKP „Komrad“ d.o.o. Bihać pristupit će procedurama pribavljanja projektne dokumentacije i odobrenja za građenje, a potom i osiguravanju sredstava neophodnih da se objekat završi u skladu sa savremenim potrebama, uz zadržavanje njegove izvorne multikonfesionalne namjene.



Uporedo s tim aktivnostima već je pokrenuta izrada projektne dokumentacije, pribavljanje potrebnih odobrenja te procedura proglašenja javnog interesa za proširenje i dodatno uređenje mezarja/groblja „Humci“, na čemu će se intenzivno raditi i u narednom periodu.


Cilj je da ovaj prostor dobije dostojanstveno, funkcionalno i savremeno uređenje, kao mjesto zajedničkog sjećanja i pijeteta.

POTPISAN MEMORANDUM O SURADNJI GRADA BIHAĆA I VJERSKIH ZAJEDNICA

Gotovo 140.000 KM za podršku radu i projektima

U Gradskoj upravi je potpisan Memorandum o suradnji između Grada Bihaća i bihaćkih vjerskih zajednica, čime je dodatno ojačana institucionalna suradnja lokalne vlasti i vjerskih institucija. Ovim činom potvrđena je i dugogodišnja opredijeljenost Bihaća da ostane grad u kojem suživot, međusobno poštovanje i tolerancija nisu samo deklarativne vrijednosti, već svakodnevna praksa.

Shodno Memorandumu, Grad je i ove godine osigurao finansijska sredstva za podršku radu vjerskih zajednica po tri osnova, sredstva za redovan rad, sredstva za



ulaganja u vjerske objekte, te za organizaciju vjerskih blagdana i praznika, u iznosu od gotovo 140.000 KM.

- I ove godine ponovo šalujemo jasnu poruku da Grad stoji uz vjerske zajednice i da

smo im istinski partner. To me raduje i kao gradonačelnika i kao čovjeka. Potpisivanjem Memoranduma dajemo im samostalnost u upravljanju sredstvima koja su izdvojena za njih, bez uplitanja.

Taj novac troše sukladno svojim potrebama i prioritetima, riječi su gradonačelnika Elvedina Sedića.

Zadovoljstvo nastavkom suradnje izrazili su i predstavnici vjerskih zajednica, isti-

čući konkretne koristi koje Memorandum donosi njihovom radu i zajednicama koje predstavljaju.

- Potpisivanje ovog Memoranduma, ali i cjelokupna suradnja s Gradom za nas je od nemjerljivog značaja jer je ovo jedina institucionalna podrška koju imamo. Kroz dodijeljena sredstva nastavljamo s infrastrukturnim projektima, odnosno obnovom crkava, ali i s obilježavanjem vjerskih praznika te podrškom potrebama naših parohijana, kazao je bihaćki paroh Slaviša Milinović.

- Ovo šalje dvojaku poruku katolicima u Bihaću. Prije svega, potvrđuje da imamo

jako dobru suradnju s Gradom, ali i da kroz sredstva koja su nam dodijeljena možemo nastaviti realizaciju planiranih projekata za našu zajednicu, dodao je fra Ivan Tučić, bihaćki župnik.

- Ovo je pokazatelj da smo svi usmjereni ka radu s lokalnom zajednicom, a ovu suradnju možemo okarakterisati kao jedinstvenu u Bosni i Hercegovini, posebno kada je riječ o odnosu Gradske uprave i resornih službi prema vjerskim zajednicama, zaključio je predsjednik IO Medžlisa Islamske zajednice Bihać, Samir Bećirspahić, saopćeno je iz Gradske uprave Bihaća.

GODIŠNJICA OPERACIJE „VLAŠIĆ“ OVE GODINE I U SANSKOM MOSTU

Podsjetnik na snagu zajedništva i hrabrost branilaca Bosne i Hercegovine

Općinska komisija za pitanja boraca održala je sastanak na kojem je glavna tema bila obilježavanje godišnjice „Operacije Vlašić“, jedne od najznačajnijih vojnih akcija tokom proteklog rata, koja će ove godine biti obilježena i u Sanskom Mostu. Komisija je razmatrala prijedloge i plan aktivnosti vezanih za obilježavanje ovog važnog datuma, a naglasak je stavljen na uključivanje boračkih udruženja, porodica poginulih boraca i mladih kako bi se očuvalo sjećanje na historijske događaje.

Operacija Vlašić, izvedena u martu 1995. godine, imala je strateški značaj za odbranu i oslobađanje okupiranih teritorija. Bila je to jedna od najveličanstvenijih pobjeda Armije Republike Bosne i Hercegovine u odbrambeno-oslobodila-



čkom ratu, a zauzimanje Vlašića ujedno se smatra i prekretnicom rata u Bosni i Hercegovini. Ova vojna akcija ostala je duboko urezana u kolektivno pamćenje, a obilježavanje njene godišnjice predstavlja priliku da se oda počast svim učesnicima i žrtvama. Dogovoreno je da se u narednom periodu pre-

ciziraju detalji programa i uključuje sve relevantne institucije i udruženja.

Članovi Komisije naglasili su da je obilježavanje 31. godišnjice Operacije Vlašić prilika da se oda počast svim borcima Armije RBiH koji su učestvovali u ovoj akciji, kao i da se sačuva sjećanje na generala Mehmeda Alagića,

čije je vojno rukovođenje bilo presudno za uspjeh operacije. Obilježavanje ovog datuma ima za cilj da podsjeti na snagu zajedništva i hrabrost branilaca Bosne i Hercegovine, ali i da prenese poruku mladim generacijama o važnosti očuvanja slobode i dostojanstva.

Izvor: RTV Sana



REZULTATI INSTITUCIONALNE SARADNJE

Ugovorena 34 projekta za razvoj Velike Kladuše

Općina Velika Kladuša je u prethodnoj godini kontinuirano radila na uspostavljanju i jačanju saradnje sa višim nivoima vlasti u različitim oblastima. Tokom godine aplicirano je na ukupno 37 javnih poziva, od kojih su 34 projekta uspješno ugovorena.

Rezultat ove saradnje ogleda se i u konkretnim finansijskim sredstvima koja su pristigla u Općinu Velika Kladuša u ukupnom iznosu od 5.257.443,11 KM

Općina Velika Kladuša izražava zahvalnost Vladi Federacije Bosne i Hercegovine, kao i ministarstvima u Vladi FBiH, na pruženoj podršci u realizaciji ključnih projekata značajnih za razvoj

općine. Također, zahvalnost se upućuje i Vladi Unsko-sanskog kantona te resornim ministarstvima u Vladi USK na izdvojenim sredstvima i uložnim naporima da se Općini Velika Kladuša nadomjesti sredstva koja su joj u prethodnim godinama bila uskraćena.

Bez podrške Vlade Federacije BiH, Vlade Unsko-sanskog kantona i nadležnih ministarstava, realizacija velikog broja započetih projekata ne bi bila moguća. Trenutno se značajan broj projekata nalazi u fazi izvođenja radova ili u fazi završavanja pripreme dokumentacije za početak njihove realizacije, saopćeno je iz Općine Velika Kladuša.

ZASJEDALO OPĆINSKO VIJEĆE KLJUČ

Prostorni plan Općine za narednih 20 godina



Redovna 13. po redu sjednica Općinskog vijeća Ključ održana je sa dnevnim redom sadržanim od 12 tačaka. Vijećnica Dženita Muratagić aktualizirala je pitanje korekcije odluke o parkinzima i vinjetama u Općini Ključ, dok je vijećnik Anel Čarkić ponovio pitanje za rasvjetu u dijelu Ulice Branilaca BiH.

Direktor Općinskog fonda za komunalne djelatnosti i infrastrukturu Amir Bender izrazio je očekivanje da će se navedena odluka naći na dnevnom redu naredne sjednice Općinskog vijeća, dok je za inicijativu postavljanja rasvjete naglasio da je neophodno pronaći finansijska sredstva.

Posebno je važno naglasiti da je usvojena Odluka o pristupanju izradi Prostornog plana Općine Ključ za period 2027.-2047. godina, Poslovnik o radu Općinskog vijeća uz predložene zaključke Statutarno-pravne komisije, program rada Općinskog pravobranilaštva i Izvještaj o radu Općinske izborne komisije za 2025. godinu.

NAČELNIK NANIĆ U POSJETI KOD BENJAMINE KARIĆ

Jačanje saradnje, razmjena iskustava, realizacija zajedničkih projekata

Načelnik Općine Bužim Mersudin Nanić boravio je u radnoj posjeti Općini Novo Sarajevo, gdje se sastao sa načelnikom Benjaminom Karić, počasnom građankom Općine Bužim.

Tokom susreta razgovarano je o više tema od zajedničkog interesa, s posebnim fokusom na jačanje međusobne saradnje lokalnih zajednica, razmjenu iskustava u radu općinskih uprava, te realizaciju budućih zajedničkih projekata i inicijativa od značaja za građane.

Poseban akcenat stavljen je na podršku projektu izgradnje Muzeja 505. Viteške brigade, kao i na nastavak podrške jedinstvenoj manifestaciji „Slobodarski dani viteškog grada Bužima“, koju je Općina Novo Sarajevo podržala i prethodne godine. Riječ je o manifestaciji od izuzetnog značaja ne samo za Bužim, već i za Bosnu i Hercegovinu u cjelini, jer njeguje i čuva kulturno-historijske vrijednosti



odbrambeno-oslobodilačkog rata i podsjeća na herojstvo i viteštvo 505. Viteške bužimske brigade.

Načelnik Nanić tom prilikom zahvalio se načelnici Karić na kontinuiranoj podršci, ističući da je upravo ona, dok je obnašala dužnost gradonačelnice Grada Sarajeva, među prvima podržala projekat izgradnje Muzeja 505. Viteške brigade, na osnovu inicijative gradskog vijećnika Vedada Deljkovića.

- Posebno me raduje činjenica da je načelnica Karić

nastavila kontinuitet podrške projektima u našem Bužimu. Cilj nam je da, uz pomoć svih institucija i prijatelja Bužima, završimo izgradnju Muzeja 505. Viteške brigade, jer bez njihove pomoći taj projekat ne bismo mogli realizirati. Još jednom se zahvaljujemo svima koji su prepoznali značaj ovog projekta za državu Bosnu i Hercegovinu, Unsko-sanski kanton i naš ponosni, viteški Bužim, rekao je načelnik Nanić.

Izvor: Općina Bužim

kanton

U SKLOPU PROJEKTA "MIROVNE PRIČE"

Bihać domaćin izložbe "Plesom do mira"



U Gradskoj galeriji Bihać svečano je otvorena nsvakidašnja izložba pod nazivom "Plesom do mira", realizirana u okviru projekta Mirovne priče, koji obuhvata 55 zajednica širom Bosne i Hercegovine.

Ova izložba dio je projekta koji se odnosi na suradnju sa školama i vršnjačkim edukatorima, a tematizira autentična svjedočanstva djece iz ratnog perioda nastojeći prenijeti univerzalnu poruku mira, razumijevanja i empatije.

U realizaciji projekta učestvovala su i mlade Bišćanke, koje su kroz suvremeni ples istraživale pojam mira u lokalnom kontekstu.

- Djevojke iz Bihaća odlučile su istražiti mir kroz ples, odnosno ono što je njihova svakodnevnica. Sretne smo što su i one dio velikog projekta koji je podržan od Fonda za izgradnju mira Generalnog sekretara Ujedinjenih nacija, kazala je Katarina Vučković, program menadžerica Muzeja ratnog djetinjstva. Svoje iskustvo podijelile su i učesnice projekta.

- Ples je dobar način da se jednostavno isključimo i pronademo mir. Na ovom projektu radili smo više od godinu dana i došli do trenutka da i onima koji nisu profesionalni plesači pokažemo da i na ovaj način mogu doći do mira. Tematika je teška, ali i posebna, istakla je Lamija Čavkić.

- Skupljamo drugačije priče i učimo iz tuđih iskustava, a ujedno prenosimo i naša. U konačnici, kreiramo jednu potpuno drugačiju sliku koja prenosi univerzalnu poruku mira, dodala je Nadja Dizdarević.

Otvorenju izložbe prisustvovao je i gradonačelnik Elvedin Sedić, koji je naglasio značaj uključivanja mladih u projekte koji kroz umjetnost promovišu mir i društvene vrijednosti.

- Drago mi je da je ova mlada grupa naših sugrađanki pokazala interes da uzme učešće u projektu s ovako dubokom porukom. Spojile su dva vida umjetnosti, ples i kulturu, i dočarale nam šta je za njih mir, kako ga pronalaze u sebi i kako ga prenose drugima, što je posebno važno u današnjem vremenu, kazao je gradonačelnik Sedić.

Izložbu "Plesom do mira" možete pogledati u Gradskoj galeriji i u narednim danima, saopćeno je iz Press službe Gradske uprave Bihaća.

NAČELNIK MUSIĆ POSJETIO KLJUČKO UDRUŽENJE PČELARA

Najavljena snažnija podrška



Općinski načelnik Jasmin Musić pridružio se akciji ključkih pčelara u pripremi i proizvodnji pogača, što ovo udruženje radi u vlastitoj organizaciji i dobijene proizvode podijeli svojim članovima shodno broju pčelinjih društava.

Općina Ključ podržava finansijski ovu aktivnost i u okviru ove posjete najavljena je snažnija podrška u tekućoj godini. Ključki pčelari imaju oko četiri hiljade društava i godišnje proizvedu u prosjeku 25 tona meda. Njihova posvećenost, međusobna solidarnost i dobra organizacija proizvodnje im i omogućuju dobre rezultate, saopćeno je iz ove općine.



Nakon dugogodišnjeg rada u ograničenim prostornim uslovima, Bošnjačka zajednica kulture - Gradsko društvo Bihać dobila je prostor koji odgovara obimu i značaju njenog djelovanja, čime je otvoreno novo poglavlje u radu ove kulturne institucije. Nove prostorije BZK Bihać zvanično su stavljene u funkciju presijecanjem vrpce koje su obavili predsjednik društva Adnan Čehajić i predsjednik MDD Merhamet Bihać Fikret Draganović, uz prisustvo brojnih gostiju i predstavnika kulturnog i društvenog života grada.

Ključni preduslov za daljnji razvoj

Predsjednik BZK Bihać Adnan Čehajić naglasio je da je dobijanje adekvatnog prostora jedan od ključnih preduslova za daljnji razvoj aktivnosti koje BZK realizira, posebno u oblasti rada s mladima.



- I ranije smo ostvarivali rezultate, ali prostorna ograničenja nisu dopuštala da se naš rad u potpunosti razvije i predstavi javnosti. Novi prostor daje nam mogućnost da unaprijedimo postojeće programe i dodatno osnažimo BZK kao kulturnu instituciju. Posebno smo ponosni na omladinski narodni orkestar i folklorni ansambl, koji uspješno predstavljaju Bihać i Bosnu i Hercegovinu i van njenih granica, istakao je Čehajić.

Svečanom događaju prisustvovali su članovi Kulturno-umjetničkog društva "Mladost" iz Bosanske Otoke, jednog od najstarijih društava ove vrste s tradicijom duvom 97 godina, zatim predstavnici HKD "Napredak" Bihać, Udruženja penzion-

BIHAĆ

Otvorene nove prostorije Bošnjačke zajednice kulture

I ranije smo ostvarivali rezultate, ali prostorna ograničenja nisu dopuštala da se naš rad u potpunosti razvije i predstavi javnosti. Novi prostor daje nam mogućnost da unaprijedimo postojeće programe i dodatno osnažimo BZK kao kulturnu instituciju. Posebno smo ponosni na omladinski narodni orkestar i folklorni ansambl, koji uspješno predstavljaju Bihać i Bosnu i Hercegovinu i van njenih granica, istakao je Čehajić



sjetio je na višegodišnju saradnju Merhameta i BZK Bihać, naglasivši da su zajednički projekti imali za cilj jačanje kulturne ponude u gradu.

- Zadovoljstvo mi je što sam zajedno s predsjednikom BZK

mlić, istaknuti bihaćki medijski radnik, moderator i autor kulturnih projekata, koji je citiranjem stihova pjesme "Bosna" Nedžada Ibrišimovića podsjetio na simboličnu ulogu kulture u očuvanju identiteta.



era Bihaća, Udruženja žena "Hanume sa Une", ansambla "Prijatelji sa Une", kao i predstavnici MDD Merhamet Bihać.

Jačanje kulturne ponude u gradu

Predsjednik Merhameta Bihać Fikret Draganović pod-

Bihać učestvovao u otvaranju ovog prostora. Kroz zajedničke aktivnosti nastojali smo doprinijeti razvoju kulturnih sadržaja u Bihaću, kojih je nedovoljno, a posebnu pažnju usmjeravamo na mlade, rekao je Draganović.

Tokom svečanosti prisutnima se obratio i Esad Budi-

Budimlić je istakao da Bošnjačka zajednica kulture u Bihaću već 35 godina, od obnove svog rada, predstavlja jedan od važnih kulturnih stubova grada, čestitajući njenim članovima na novim prostorijama i nastavku djelovanja u unaprijedenim uslovima.

F. Vojić

MINISTRICA MEHIĆ U POSJETI OBRRTNIČKOJ KOMORI UNSKO-SANSKOG KANTONA

Nastavak strateške podrške razvoju obrta i male privrede



Samra Mehic, ministrica privrede u Vladi Unsko-sanskog kantona sa saradnicom Jasmicom Dervisic, posjetila je Obrtničku komoru Unsko-sanskog kantona. U razgovoru sa Enesom Arapovicem, predsjednikom Obrtničke komore Unsko-sanskog kantona fokus je stavljen na pripreme pro-

grama poticaja subjektima male privrede koji ce biti realizirani tokom ove godine. Ministarstvo privrede je za 2026. godinu planiralo znatna sredstva namijenjena podršci realnom sektoru i pokretanju novih poduzetničkih projekata. Ministrica Mehic istakla je da ovo Ministarstvo nastav-

lja strateški podržavati razvoj obrta i male privrede kroz više programa direktne podrške, s ciljem jačanja konkurentnosti i stvaranja povoljnijeg poslovnog ambijenta u Unsko-sanskom kantonu. U tom procesu od posebna značaja je saradnja sa Obrtničkom komorom, saopćeno je iz ovog ministarstva.



DELEGACIJA MATIČNOG DRUŠTVA BOŠNJAČKIH VIJEĆA U RADNIM POSJETAMA SJEVERNOJ MAKEDONIJI I KOSOVU

Dogovoreno formiranje radne grupe koja će pripremiti pravni i statutarni okvir za uspostavu krovne bošnjačke organizacije na Kosovu

Delegacija Matičnog društva bošnjačkih vijeća, predvođena predsjednikom Suljom Mustaficem, uz prisustvo izvršnog sekretara Emira Zlatara i članova Fuada Bačićanina i Mirze Hajdinovića, realizovala je radne posjete Sjevernoj

Makedoniji i Kosovu, s ciljem jačanja institucionalne saradnje i unaprjeđenja položaja Bošnjaka u regionu. Tokom boravka u Skoplju, delegacija je posjetila Bošnjačko nacionalno vijeće Sjeverne Makedonije, gdje je održan radno-konsultativni sastanak s predsjednikom Vijeća Dževadom Hotom i predstavnicima bošnjačkih organizacija. Razgovarano je o jačanju institucionalnog djelovanja BNVRSM, otvorenosti Vijeća prema uključivanju dodatnih bošnjačkih organizacija, kao i o pokretanju inicijative za izgradnju Bošnjačkog kulturnog centra u Skoplju. Istaknuto je da ustavni i zakonski okvir Sjeverne Makedonije prepoznaje Bošnjake kao narod, bosanski jezik, te 28. septembar kao zvanični praznik bošnjačke nacionalne manjine.

vanje, kulturu, tradiciju i kulturno-historijsko naslijeđe. U tom kontekstu, dogovoreno je formiranje radne grupe koja će u narednom periodu pripremiti pravni i statutarni okvir za uspostavu krovne bošnjačke organizacije na Kosovu, kao i njene programske i strateške ciljeve. Predviđeno je da u radu buduće organizacije budu zastupljeni predstavnici bošnjačkih udruženja, bošnjački članovi Konsultativnog vijeća za zajednicu, predstavnici akademske zajednice, prosvjetnih radnika te zastupnici Bošnjaka u Skupštini Kosova, gdje Bošnjaci imaju tri zagaranтована poslanička mjesta. Naglašeno je da različiti politički ili društveni pogledi unutar bošnjačke zajednice ne smiju biti prepreka institucionalnom objedinjavanju u pitanjima koja se tiču identiteta i kolektivnih prava, te da bosanski jezik i kultura predstavljaju temeljni element nacionalnog identiteta Bošnjaka na Kosovu, kao i ostalih zajednica koje prepoznaje Ustav Kosova. Tokom posjete Prizrenu, delegacija Matičnog društva obišla je i Bošnjački kulturni centar, ukazavši na potrebu da se ovom objektu osigura jasniji status i puna funkcionalnost kako bi služio svrsi zbog koje je izgrađen.

Posebna pažnja posvećena je posjeti Kosovu, gdje je u Prizrenu održan sastanak s bošnjačkim predstavnicima pri Konsultativnom vijeću za zajednicu pri Uredu predsjednice Kosova, na čelu s predsjedavajućim Izudinom Sagdatiem. Sastanku su prisustvovali i predstavnici relevantnih bošnjačkih udruženja koja učestvuju u izboru bošnjačkih članova u ovom savjetodavnom tijelu. Na sastanku je naglašeno da su Bošnjaci na Kosovu jedini narod na prostoru bivše SFRJ koji još uvijek nemaju uspostavljenu krovnu nacionalnu instituciju - bošnjačko vijeće. Delegacija Matičnog društva istakla je da je institucionalno objedinjavanje bošnjačkog civilnog sektora od ključne važnosti za zaštitu, unaprjeđenje i promociju temeljnih elemenata bošnjačkog identiteta, uključujući bosanski jezik i književnost, obrazo-

vanje, kulturu, tradiciju i kulturno-historijsko naslijeđe. U tom kontekstu, dogovoreno je formiranje radne grupe koja će u narednom periodu pripremiti pravni i statutarni okvir za uspostavu krovne bošnjačke organizacije na Kosovu, kao i njene programske i strateške ciljeve. Predviđeno je da u radu buduće organizacije budu zastupljeni predstavnici bošnjačkih udruženja, bošnjački članovi Konsultativnog vijeća za zajednicu, predstavnici akademske zajednice, prosvjetnih radnika te zastupnici Bošnjaka u Skupštini Kosova, gdje Bošnjaci imaju tri zagaranтована poslanička mjesta. Naglašeno je da različiti politički ili društveni pogledi unutar bošnjačke zajednice ne smiju biti prepreka institucionalnom objedinjavanju u pitanjima koja se tiču identiteta i kolektivnih prava, te da bosanski jezik i kultura predstavljaju temeljni element nacionalnog identiteta Bošnjaka na Kosovu, kao i ostalih zajednica koje prepoznaje Ustav Kosova. Tokom posjete Prizrenu, delegacija Matičnog društva obišla je i Bošnjački kulturni centar, ukazavši na potrebu da se ovom objektu osigura jasniji status i puna funkcionalnost kako bi služio svrsi zbog koje je izgrađen.



ZAVOD ZA PROSTORNO UREĐENJE BIHAĆ

Naselje Ceravci ubrzano se izgrađuje i razvija



Lijepo januarsko vrijeme iskorišteno je za početak radova na izgradnji nove ceste u ulicama Bihaćkih kapetana i Fočanska. Trenutno se izvode radovi na probijanju trase i izgradnji donjeg stroja, čime je napravljen važan korak ka unaprjeđenju saobraćajne infrastrukture u ovom dijelu grada. Nova cesta bit će izgrađena u punom profilu, sa dvije saobraćajne trake, oba trotoara, modernom javnom rasvjetom. Izvođač radova: Hc-Ing doo Bihać, a investitor Grad Bihać.

ANKETA O POVEZIVANJU DIJASPORE I BIHAĆA

Služba za finansije i privredu Grada Bihaća kreirala je anketu namijenjenu dijaspori želeći čuti glas naših ljudi koji žive i rade izvan domovine, a sve s ciljem unaprjeđenja saradnje i razumijevanja potreba i interesa dijaspore, te ekonomske slike grada Bihaća. Svjesna potencijala dijaspore i njene privrženosti BiH i svome gradu, administracija u Gradskoj upravi Bihaća želi da u godini ispred nas

Želimo čuti vaš glas



radi na jačanju suradnje s dijasporom, prijenosu znanja, iskustava i savremenih poslovnih praksi koje su naši ljudi stekli u inostranstvu. Bihać nudi brojne prednosti za investiranje uključujući povoljan geografski položaj, raspoloživu radnu snagu, prirodne resurse i povoljno poslovno okruženje. Anketa ima za cilj da čuje glas i ideje

dijasporo, bolje razumijevanje interesa, potreba i prijedloga kako bi zajednički kreirali konkretne i održive projekte razvoja Bihaća. Upućen je poziv našoj dijaspori da ispune anketu, te na taj način daju smjernice za daljnje djelovanje i unaprjeđenje komunikacije kako bismo u budućnosti bili vaš pouzdan partner i servis u realizaciji ideja i investicija, saopćeno je iz Gradske uprave Bihaća.

Na sastanku je naglašeno da su Bošnjaci na Kosovu jedini narod na prostoru bivše SFRJ koji još uvijek nemaju uspostavljenu krovnu nacionalnu instituciju - bošnjačko vijeće. Delegacija Matičnog društva istakla je da je institucionalno objedinjavanje bošnjačkog civilnog sektora od ključne važnosti za zaštitu, unaprjeđenje i promociju temeljnih elemenata bošnjačkog identiteta, uključujući bosanski jezik i književnost, obrazo-

vanje, kulturu, tradiciju i kulturno-historijsko naslijeđe. U tom kontekstu, dogovoreno je formiranje radne grupe koja će u narednom periodu pripremiti pravni i statutarni okvir za uspostavu krovne bošnjačke organizacije na Kosovu, kao i njene programske i strateške ciljeve. Predviđeno je da u radu buduće organizacije budu zastupljeni predstavnici bošnjačkih udruženja, bošnjački članovi Konsultativnog vijeća za zajednicu, predstavnici akademske zajednice, prosvjetnih radnika te zastupnici Bošnjaka u Skupštini Kosova, gdje Bošnjaci imaju tri zagaranтована poslanička mjesta. Naglašeno je da različiti politički ili društveni pogledi unutar bošnjačke zajednice ne smiju biti prepreka institucionalnom objedinjavanju u pitanjima koja se tiču identiteta i kolektivnih prava, te da bosanski jezik i kultura predstavljaju temeljni element nacionalnog identiteta Bošnjaka na Kosovu, kao i ostalih zajednica koje prepoznaje Ustav Kosova. Tokom posjete Prizrenu, delegacija Matičnog društva obišla je i Bošnjački kulturni centar, ukazavši na potrebu da se ovom objektu osigura jasniji status i puna funkcionalnost kako bi služio svrsi zbog koje je izgrađen.



U BIHAĆU ODRŽAN RADNI SASTANAK PRIPADNICA UDRUŽENJA AR BIH UNSKO-SANSKOG KANTONA

Karmena Kamenčić, Mirzeta Forić, Anisa Murić i ine braniteljice BiH ne smiju biti zaboravljene

Pripadnice Udruženja AR BiH Unsko-sanskog kantona u nedjelju, 1. februara, u Bihaću su organizirale druženje i radni sastanak. Udruženje pripadnica AR BiH je osnovano u julu 2022. godine u Sarajevu. Za predsjednicu je imenovana Meldijana Arnaut Huseljić a za koordinatorku Unsko-sanskog kantona Mevlida Bašanović Konjević. Udruženje pripadnica AR BiH je osnovano zbog neopravdanog i nepravdnog zanemarivanja njihove uloge u minulom odbrambeno-oslobodilačkom ratu, što je naglašeno i na radnom sastanku u Bihaću

Osim redovnih aktivnosti koje su predviđene godišnjim Planom rada, donesen je zaključak o pokretanju inicijative o dodjeli naziva ulica u Bihaću, Sanskom Mostu i Cazinu, po preminulim pripadnicama AR BiH. Prijedlog je da jedna ulica u Bihaću dobije naziv po Karmeni Kamenčić, Sanskom Mostu Mirzeti Forić i Cazinu Anisi Murić.

- Nažalost, ni jedna od njih tri nije među živima ali zbog toga ne trebaju biti zaboravljene. Općenito naš je stav, nas pripadnica AR BiH USK, da bi u svim općinama Unsko-sanskog kantona jedna od ulica trebala dobiti ime po nekoj od pripadnica AR BiH koje su dale nemjerljiv doprinos u odbrani države BiH. U pripremi je još jedna inicijativa koja se odnosi na postavljanje spomenika, spomen-obilježja svim pripadnicama AR BiH. To je najmanje što ovo društvo, država, može učiniti za sve pripadnice AR BiH, koje su rame uz rame sa suborcima učestvovali u oslobađanju

■ U pripremi je još jedna inicijativa koja se odnosi na postavljanje spomen-obilježja svim pripadnicama AR BiH, koje su dale nemjerljiv doprinos u odbrani države BiH od agresora



države Bosne i Hercegovine od agresora u minulom ratu. U planu je i posjeta gradu Rijeci, gdje je postavljena izložba posvećena ženama u ratu. Žene, pripadnice AR BiH, svojim zalaganjem i doprinosom su zaslužile poštovanje i vjerujemo da ćemo zajedničkim snagama se za to izboriti. Ovo radimo za sve žene, majke, sestre koje su dale svoje

živote za slobodnu BiH. Uradit ćemo to za sve žene ratne invalide, poginule i umrle. Na kraju krajeva, za njihovu djecu, za generacije koje znaju, a pogotovo one koje ne znaju, koju žrtvu i doprinos su pripadnice AR BiH dale u minulom ratu, istakla je Mevlida Bašanović Konjević.

Nakon sastanka upriličen je posjet spomen-obilježju na lokalitetu Hasin Vrh, gdje su položile cvijeće i odale dužnu počast poginulim. Uslijedilo je i druženje uz evociranje uspomena na vrijeme kada se srcem branila sloboda Bosne i Hercegovine. Slijedeći sastanak pripadnica AR BiH Unsko-sanskog kantona bit će održan u Cazinu.

N.Piralić

MINISTARSTVO PRIVREDE UNSKO-SANSKOG KANTONA

Mogućnosti za stavljanje rudnika u funkciju razvoja Općine Bužim



U Ministarstvu privrede Vlade Unsko-sanskog kantona održan je radni sastanak sa predstavnicima Rudnika Mangana d.d. Bužim sa ciljem upoznavanja sa trenutnim stanjem i funkcioniranjem rudnika, te iznalaženjem mogućnosti i načina za pokretanje proizvodnje i stavljanje rudnika u

funkciju razvoja Općine Bužim. Predstavnici Rudnika Mangana d.d. Bužim iznijeli su trenutnu problematiku u funkcioniranju, te upoznali predstavnike Ministarstva sa aktivnostima koje trenutno provode i narednim koracima koje će poduzeti po pitanju pokretanja rada

rudnika. Ministarstvo privrede Unsko-sanskog kantona će nastaviti aktivnosti u narednom periodu sa ciljem rješavanja pitanja Rudnika Mangana d.d. Bužim, kako bi se ovaj privredni resurs stavio u funkciju razvoja Općine Bužim, saopćeno je iz Ministarstva privrede.

AGENCIJA ZA VODNO PODRUČJE RIJEKE SAVE

Fokus na obaloutvrdama, plavnim područjima i unaprjeđenju zakonskog okvira



U sjedištu Agencije za vodno područje rijeke Save, gradonačelnik Elvedin Sedić sa suradnicima prisustvovao je radnom sastanku s direktorom Senadom Memićem i njegovim timom, a na kojem su razmatrani ključni vodoprivredni projekti od značaja za grad Bihać.

U fokusu razgovora bila je izgradnja obaloutvrda na lokacijama Pokoj, Velhovo i u centralnoj gradskoj zoni, kao i primjena Pravilnika o načinu i uslovima ograničenog prava korištenja javnog vodnog dobra, s posebnim akcentom na pitanja ogra-

ničenja. Gradonačelnik Sedić je istakao da i Zakon o vodama u brojnim administrativnim procedurama predstavljaju ozbiljnu prepreku realizaciji infrastrukturnih i razvojnih projekata, budući da nije u potpunosti usklađen sa suvremenim potrebama lokalnih zajednica.

- Razgovarali smo o mogućnostima pokretanja inicijative za izmjene i dopune Zakona o vodama, jer su pojedine odredbe kontradiktorne i u praksi značajno usporavaju ili onemogućavaju realizaciju projekata od javnog interesa. Smatramo da je nužno prilagoditi

zakon realnim potrebama gradova i općina, kazao je gradonačelnik Sedić. Na sastanku je također bilo riječi o plavnim područjima na lokalitetima Račić i Lohovo, te o potrebi izrade novog hidrauličkog elaborata za područje Bihaća koji bi, kako je istaknuto, predstavljao stručnu podlogu za precizno mapiranje rizičnih zona od poplava, planiranje zaštitnih mjera, te kvalitetnije projektovanje infrastrukture, čime bi se dugoročno povećala sigurnost stanovništva i imovine, saopćeno je iz Gradske uprave Bihaća.

PREDSTAVNICI MINISTARSTVA PRIVREDE I OBRITNIČKE KOMORE NA 11. ZAGREBAČKOM OBRITNIČKOM SAJMU

Samra Mehić, ministrica privrede u Vladi Unsko-sanskog kantona sa predstavnicima Obrtničke komore Unsko-sanskog kantona posjetila je 11. Zagrebački obrtnički sajam - sajam zanimanja.

Sajam, posvećen promociji obrtničkih i strukovnih zanimanja, predstavio je oko 60 različitih zanimanja kroz praktične demonstracije, radionice i prezentacije, s ciljem informisanja i motiviranja mladih pri odabiru budućeg zanimanja te upoznavanja s mogućnostima zapošljavanja i samozapošljavanja, a u razgovoru sa predstavnicima komora iz regije naglašena je važnost jačanja regionalne saradnje i razmjene iskustava u oblasti razvoja obrtništva i strukovnog obrazovanja, saopćeno je iz Ministarstva privrede Unsko-sanskog kantona.

Ministarstvo privrede Vlade USK-a strateški radi, u saradnji sa realnim sektori-

Promocija obrtničkih i strukovnih zanimanja



rom, na kreiranju mjera koje odgovaraju potrebama privrede i realizira pro-

grame direktnih poticaja za razvoj privrede, s posebnim fokusom na podršku obr-

nicima, malim i srednjim preduzećima te poticanje novih poslovnih inicijativa.



Na posljednjoj redovnoj sjednici Privrednog savjeta Općine Sanski Most razmatrane su brojne aktuelne teme koje se tiču privrednog i društvenog razvoja lokalne zajednice. Sjednica je okupila predstavnike privrednih subjekata, lokalne vlasti i drugih relevantnih institucija, a fokus je bio na jačanju infrastrukture, sigurnosti i podršci razvoju novih poslovnih inicijativa. Jedna od važnih tačaka bila je ažuriranje spiska registrovanih privrednih subjekata. Cilj je da se napravi realan pregled firmi koje aktivno posluju, što će omogućiti preciznije planiranje i podršku lokalnoj privredi. Posebna pažnja posvećena je opremanju dobrovoljnih vatrogasnih društava i osnivanju novih jedinica. Razmatrana je i nabavka novog vatrogasnog vozila za potrebe Vatrogasne jedinice, što bi značajno doprinijelo sigurnosti građana i zaštiti

SANSKI MOST

Privredni savjet o ključnim temama razvoja

imovine. U kontekstu saobraćaja, istaknuta je potreba za povećanjem sigurnosti u užem gradskom jezgru. Konkretno, planirano je postavljanje ležećih policajaca u Prijedorskoj ulici, kako bi se smanjila brzina vozila i povećala sigurnost pješaka. Savjet je razmatrao i mogućnosti sufinansiranja start-up biznisa kod mladih, s ciljem poticanja inovacija i samozapošljavanja. Ova inicijativa ima za cilj da zadrži mlade u lokalnoj zajednici i pruži im priliku za razvoj vlastitih ideja. Jedna od tema bila je i rješavanje statusa zapuštenog i devastiranog hotela "Korčanica". Ovaj objekat, nekada zna-

čajan za turizam, sada predstavlja problem, a cilj je pronaći investitore ili model obnove kako bi se stavio u funkciju. Razmatrane su investicije u novu komunalnu infrastrukturu u industrijskim zonama Šejkovača i Zdena, uključujući struju, vodu i kanalizaciju. Ovi projekti su ključni za dalji privredni razvoj i poboljšanje kvaliteta života građana. Planirana je organizacija konferencije s dijasporom, s ciljem privlačenja ulaganja i jačanja veza između dijaspore i lokalne zajednice, jer kako je istaknuto, dijasporu se vidi kao važnog partnera u razvoju Sanskog Mosta. Na sjednici

je istaknuta i potreba za organizacijom obuka iz higijenskog minimuma za radnike od strane Zavoda za javno zdravstvo, što je važno za podizanje standarda u ugostiteljstvu, trgovini i drugim djelatnostima. Privredni savjet je zaključio da sve navedene teme zahtijevaju koordinisano djelovanje lokalne vlasti, privrednika i građana. Inače, bila je ovo druga sjednica Privrednog savjeta Općine Sanski Most koji ima funkciju savjetodavnog organa, i koji predlaže načelniku, Općinskom vijeću i drugim lokalnim institucijama, mjere za poboljšanje privrednog ambijenta u ovoj općini.

Izvor: RTV Sana

SAMOSTALNI SINDIKAT DOKTORA MEDICINE I STOMATOLOGIJE KANTONALNE BOLNICE "DR. IRFAN LJUBIJANKIĆ" U BIHAĆU

Upozorenje na direktnu odgovornost Zavoda zdravstvenog osiguranja USK za kadrovski kolaps

■ Zbog sve izraženijeg nezadovoljstva osiguranika dostupnošću i kvalitetom bolničke zdravstvene zaštite, obraćamo se javnosti kako bismo jasno i nedvosmisleno ukazali na odgovornost Zavoda zdravstvenog osiguranja USK za dugogodišnje sistemske probleme u funkcionisanju bolničke zdravstvene zaštite



Osiguranici imaju zakonom zagarantovano pravo na bolničku zdravstvenu zaštitu koja se pruža kontinuirano kroz 24h rad 365 dana u godini, a ZZO ima jasnu i nedvosmislenu obavezu da takvu zdravstvenu zaštitu obezbijedi. Ispunjavanje ove obaveze podrazumijeva priznavanje dovoljnog broja timova u bolničkoj zdravstvenoj zaštiti, u skladu sa stvarnim potrebama zdravstvenih ustanova i u skladu sa zakonskim obavezama. Nepriznavanjem potrebnog broja timova, ZZO direktno dovodi zdravstvene radnike u situaciju da rade u uslovima koji nisu u skladu sa Zakonom o radu. Umjesto zakonom propisanog redovnog mjesečnog fonda rada od 165 sati, značajan broj doktora medicine primoran je raditi i preko 300 sati mjesečno, što predstavlja ozbiljno kršenje radno-pravnih propisa i ugrožavanje zdravlja i sigurnosti zdravstvenih radnika.

Ovakav obim rada nije dopušten Zakonom o radu, niti je dugoročno održiv, te dovodi do iscrpljenosti, profesionalnog sagorijevanja i povećanog rizika od grešaka u liječenju, čime se direktno ugrožava sigurnost pacijenata. Hronično preopterećenje ljekara direktna je posljedica odluka ZZO-a da ne prizna dovoljan broj timova. Takvo postupanje Zavoda predstavlja ključni uzrok destabilizacije bolničkog zdravstvenog sistema. Pozivamo ZZO da bez daljeg odlaganja uskladi broj priznatih timova sa stvarnim potrebama zdravstvenih ustanova i važećim zakonskim standardima a naročito onim koji se odnose na radno vrijeme, kako bi se zdravstvenim radnicima omogućio rad u skladu sa Zakonom o radu, a osiguranicima obezbijedila sigurna, kvalitetna i dostupna bolnička zdravstvena zaštita.

Ukoliko ZZO nastavi sa nepriznavanjem potrebnog broja timova i ignorisanjem svojih zakonskih obaveza, smatrat će se da svjesno prihvata sve posljedice takvog postupanja. ZZO će u tom slučaju snositi punu institucionalnu, pravnu i moralnu odgovornost za daljnje kršenje Zakona o radu, ugrožavanje zdravlja i sigurnosti zdravstvenih radnika, narušavanje prava osiguranika na bolničku zdravstvenu zaštitu, kao i za sve eventualne neželjene ishode liječenja i štetne događaje koji iz ovakvog stanja mogu proizaći, ističe se u saopćenju Podružnice SSDMIS-a Kantonalne bolnice "Dr. Irfan Ljubijankić" u Bihaću.

sjećanja

www.usnkrajina.com.ba

TUŽNO SJEĆANJE



HALIDA SILIĆ
30.01.2014. – 30.01.2026.



ESMA ĆORALIĆ – Beba
07.02.2015. – 07.02.2026.



HUSNIJA ĆORALIĆ – Ćoro
29.12.2018. – 29.12.2025.

*Vječno ćete živjeti u našim srcima
Bahra i Hasan*

IN MEMORIAM



FATIMA
(rođ. Arnautović)
DUPANOVIĆ
1988. – 2026.

Dana 5. februara
navršilo se 38 godina
od smrti naše drage
majke i pramajke, a
11.02.2026. navršava
se šest godine od
smrti naše drage
tetke

Vrijeme prolazi,
vječno sjećanje
ostaje...

S ljubavlju i poštovanjem
Porodica



NAFIJE
DUPANOVIĆ
2020. – 2026.



SULEJMANA MULIĆA – Šemse

*S ljubavlju i poštovanjem čuvamo
uspomenu na tvoj dragi lik.*

Zauvijek u našim srcima.

Dino i Renata

Dana 8.2.2026. navršavaju se 32 godine
od pogibije našeg

TUŽNO SJEĆANJE

ESMA ĆORALIĆ – Beba

*Bila si i ostala zauvijek u našim srcima i mislima. Neka
je vječni rahmet tvojoj plemenitoj duši i dobroti.*

Tvoji: kćerka Edina sa porodicom i unuka Almaida sa
porodicom



MEHMED
(Muharem) **ZOLIĆ**
04.01.2002. – 2026.

TUŽNO SJEĆANJE NA
NAJDRAŽE RODITELJE

*Neka vam dragi Allah dž.š.
podari džennetske ljepote i
neka
vam je veliki rahmet.
S neizmjernom zahvalnošću,
ljubavlju i poštovanjem.*

Vaši najmiliji



SEFIJA
(Balić) **ZOLIĆ**
06.02.2013. – 2026.



IBRAHIM (Ibraga)
KARABEGOVIĆ
10.02.2002. – 10.02.2026.

SJEĆANJE
na naše drage

*S ljubavlju i poštovanjem
nosimo vas u našim srcima.
Molimo dragog Allaha dž.š.
da vam podari lijepi džennet
i vječni rahmet.*

Vaša djeca: Senad, Sead i
Fata sa porodicama



SELIMA (rođ. Mašić)
KARABEGOVIĆ
01.02.2024. – 01.02.2026.



MUHAMED (Mujaga) MEMAGIĆ
09.02.2024. – 09.02.2026.

*Vrijeme prolazi, ali uspomene na tebe ne blijede. Uvijek
ćeš biti u našim srcima i molitvama.
Neka je vječni rahmet tvojoj plemenitoj duši.*

Tvoj brat Senad sa porodicom



HAFEZA HRNJICA
05.02.2005.

*Hvala vam za svu
ljubav, dobrotu i
toplinu
koju ste nam dali*

Vaša djeca



JUSUF HRNJICA
06.06.2001.



SJEĆANJE

FEHIM (Mehmeda) JUNUZOVIĆ
05.02.1999. – 05.02.2026.

*Postoje ljubavi koje smrt ne prekida i tuga koju vrijeme ne
liječi. Hvala ti što si bio naš oslonac, naša snaga i naš
najbolji prijatelj.*

Tvoji: sin Mufidin sa porodicom

**Poštovani čitatelji tekstove sjećanja, posljednjih pozdrava i
godišnjica primamo do srijede, do 12,00 sati**

sjećanja • oglasi • mali oglasi



Dana 4.2.2026. navršile su se četiri godine od smrti majke

ŠEFKA (Šabulić) AVDIĆ

Neka ti dragi Allah dž.š. podari lijepi džennet i vječni rahmet.

S ljubavlju i poštovanjem

Unuka Sanela, zet Emir i praunuk Emir



Dana 8.2.2026. navršava se devet godina od kad nas je napustio naš dragi otac, dido i svekar

EKREM (Bećira) LIPOVAČA

Hvala ti za svu ljubav, nježnost i dobrotu koju si nam nesebično poklanjao. S ljubavlju i poštovanjem čuvamo uspomenu na tebe.

Neka ti dragi Allah dž.š. podari vječni rahmet i lijepi džennet.

Tvoji najmiliji: sin Senad, snaha Senada, unučad Harun i Hana



Dana 8.2.2026. navršava se devet godina od kad nas je napustio naš dragi suprug, otac, dido, pradido i svekar

EKREM (Bećira) LIPOVAČA

Godine koje prolaze nikad neće izbrisati sjećanje na tebe. Ostaješ dio naših života i uvijek si u našim srcima.

Neka ti dragi Allah dž.š. podari vječni rahmet i lijepi džennet.

Tvoji najmiliji: supruga Asima i sin Ishad sa porodicom

Bosna i Hercegovina / Federacija Bosne i Hercegovine
Unsko-sanski kanton / Grad Cazin
JU Osnovna škola "Skokovi"
Broj: 610-73/2026
Dana, 2.2.2026. godine

Na osnovu člana 134. Zakona o osnovnom odgoju i obrazovanju (Službeni glasnik USK-a, broj: 19/23 i 20/24), Saglasnosti za raspisivanje konkursa Ministarstva obrazovanja, nauke, kulture i sporta USK-a, broj: 10-34-9455-2/25 od 25.8.2025. godine i Izmjene i dopune Saglasnosti za raspisivanje konkursa, broj: 10-34-11207-2/25 od 23.9.2025. godine i Odluke Školskog odbora, broj: 610-68/2026 od 30.1.2026. godine dostavlja se

OBAVIJEST

o raspisivanju konkursa za radna mjesta

Puni tekst konkursa za radna mjesta JU Osnovne škole "Skokovi" Cazin objavit će se dana 6.2.2026. godine na web stranici nadležnog Ministarstva obrazovanja, nauke, kulture i sporta Unsko-sanskog kantona. Konkurs ostaje otvoren 8 dana od dana objave u dnevnik/sedmičnim novinama.

Direktor škole:
Anel Tahirović

• prodajem zemljište 1-3 dunuma, lokacija Kamenica i Vrkašić, povoljno za izgradnju kuće i ostalih objekata, papiri su uredni, tel. 037-882-338, 064-459-008

IZNAJMLJIVANJE:

• iznajmljujem stan preko puta Kantonalne bolnice, tel. 063-929-579
• izdajem malu kuću namještenu, koja se nalazi na Lukama Ul. Mirze Delibašića br. 5, tel. 037-220-775 ili 061-057-718
• iznajmljujem sprat kuće – prizemlje, namješten, poseban ulaz, el. brojilo, šupa, parking, nalazi se u blizini Bišće parka na glavnoj cesti, itd. tel. 061-021-999
• iznajmljujem stan 42 m2 Ozimice I, lamela 4, I sprat, stan br. 7, tel. 061-431-773, 061-911-288 zvati od 9-11 sati
• iznajmljujemjednosoban soban stan za

studenticu, ili majku sa djetetom, površine oko 20 m2 i terasom oko 10 m2, na Ceravcima, tel. Whatsapp/viber 061/407-300, 0049 1632183828

• izdajem namješten stan u centru Tuzle studentima ili zdravstvenim radnicima na specijalizaciji na duži period. Stan je pogodan za dvije do tri osobe. Informacije putem mobitela 061 720 740, dostupan i Viberom ili Whats app
• iznajmljujem jednosoban stan u kući kod zgrade "Oslobođenja", parking obezbjeđen, poseban ulaz, grijanje (pelet), klima, wi-fi, kablovska tv za dva studenta ili bračni par, tel. 037-971-193

RAZNO:

• Tražim osobu za čuvanje starije osobe 24 sata, tel. 061-444-967

JU MJEŠOVITA SREDNJA ŠKOLA „PROFESOR OMER FILIPOVIĆ“ KLJUČ

Na osnovu Odluke Školskog odbora, broj: 037-1-6/26. od 30.01.2026. godine, JU Mješovita srednja škola „Profesor Omer Filipović“ Ključ, objavljuje

JAVNI POZIV za izdavanje fiskulturne sale pod zakup

1. Predmet javnog poziva je izdavanje u zakup školskog prostora- fiskulturne sale.
2. Fiskulturna sala se daje u zakup za sportske aktivnosti i druge programe koji se u njoj mogu izvoditi.
3. Fiskulturna sala se iznajmljuje u periodu od marta 2026. godine do februara 2028. godine. U vremenu kada je prostor slobodan, odnosno kada ga ne koristi Škola.
4. Ponuđač je obavezan navesti željeni termin, vrstu aktivnosti, te broj sati korištenja. Raspored korištenja napraviti će se u dogovoru između korisnika i škole.
5. Cijena iznajmljivanja određuje se po satu na osnovu Pravilnika o vrsti vlastitih i ostalih prihoda, te načinu njihove raspodjele JU Mješovite srednje škole „Profesor Omer Filipović“ Ključ, a koja iznosi 20 KM po satu za rekreativce i članove sportskih klubova (juniori i seniori), a 10 KM po satu za sportske klubove (mlade kategorije: pioniri i kadeti).
6. Sportski klubovi u ponudi trebaju dostaviti Rješenje o upisu u sudski registar kojim dokazuju svoj status sportskog kluba.
7. Prednost kod iznajmljivanja daje se klubovima i udruženjima s područja općine Ključ.
8. Rok za podnošenje prijave je osam (8) dana od dana objavljivanja.
9. Ponude na javni poziv dostaviti lično ili putem pošte u navedenom roku i to u zatvorenoj koverti s naznakom: „Ponuda za javni poziv- zakup fiskulturne sale“ na adresu: JU Mješovita srednja škola „Profesor Omer Filipović“ Ključ, ul. Branilaca BiH 86, 79280 Ključ.

Direktor
Suad Karat

Mali oglasi

PRODAJA STANOVA:

- jednosoban stan 33 m2 (ima podrumaska ostava) preko puta Doma armije, tel. tel. 061-274-645
- dvosoban stan 56 m2 Ul. Bosanskih kraljeva, „C“, zgrada iznad pošte, I sprat, tel. 061-917-734
- stan na Ozimicama 2., prizemlje, površine 86 m2, cijena po dogovoru, tel. 061-706-627
- stan 69 m2 Ozimice 1, tel. 062-919-341, 062-849-446
- dvosoban stan 61 m2 kod Poliklinike, polu renoviran, sunčana strana do magistrale, tel. 062-177-997

PRODAJA KUĆA:

- prodajem kuću i zemlju u Gati, sa dva izvora tople vode, tel. 061-980-914
- kućanaprodaju u Bihaćusagaražomistanomiznadiste lokacijaCeravcioko 200 m2 stambenog-prostoraizgradjena '70-tih, info: mob

061/407 300

PRODAJA ZEMLJIŠTA:

- prodajem u Dobrenici oko 9 duluma bukove šume i 4 duluma pašnjaka – proplanak. Prodaje se sve u komadu pošto se parcele naslanjaju jedna na drugu. Na pašnjaku ima izvor prirodne vode a struja je udaljena oko 300 metara, tel. 061-105-174
- prodajem u Ripču na Mahali oko 3,5 duluma zemlje, papiri čisti 1/1, dozvoljena gradnja, parcela se nalazi uz Put 5. korpusa, tel. 061-105-174
- prodajemo građevinsko zemljište na području grada Bihać. Parcela se nalazi na Ceravcima na atraktivnoj lokaciji između Katoličkog školskog centra i trgovačkog centra Fisa, plac je površine 3.277, m2 k.č. 4246, regulisano sa Regulacionim urbanističkim planom Grada Bihać, tel. 037-223-709

kanton • oglasi

www.usnkrajina.com.ba

MLADI ŠAMPION IZ BIHAĆA

Selimović gradi put ka vrhu evropskog boksa

- Kao petogodišnjak počeo trenirati karate. S 13 se odlučio za kick-boks. U ovom sportu narednih godina postigao je vrhunske rezultate. Zajedno s trenerom Hassan je donio odluku o prelasku na olimpijski boks u kojem se dokazao i danas je član seniorske reprezentacije BiH



Bihać ima još jednog mladog sportistu na kojeg može biti ponosan. Osamnaestogodišnji Hassan Selimović, učenik JU Medicinske škole Bihać, već godinama gradi ime u svijetu borilačkih sportova, a njegovi dosadašnji uspjesi svrstavaju ga među najperspektivnije mlade borce u regiji.

Ljubav prema sportu započela je vrlo rano. Hassan je sa samo pet godina počeo trenirati karate. Bili su to njegovi prvi sportski koraci ali već u tako ranoj dobi je stekao disciplinu koja će kasnije obilježiti njegovu karijeru. Kada je imao 13 godina znao je u kom pravcu će njegova sportska karijera ići. Odlučuje se za kick-boks, sport koji zahtijeva veliku fizičku spremu, mentalnu snagu i potpunu posve-

ćenost. Upravo u kick-boksu dolaze i prvi veliki rezultati. Zahvaljujući predanom radu i velikom trudu, Hassan postaje višestruki državni prvak, a zatim osvaja i titulu evropskog prvaka u kick-boksu. Njegovi uspjesi nisu prošli nezapaženo, pa je nagrađen i prestižnim priznanjem „Japodski konjanik“. Radi se o prestižno priznanju grada Bihaća a Hassanu ju dodijeljeno upravo za njegove vrhunske sportske rezultate.

Zajedno sa svojim trenerom, nakon ostvarenih izuzetnih rezultata u kick-boksu, Hassan donosi odluku da pređe na olimpijski boks, gdje danas nastavlja graditi svoju sportsku karijeru kao član reprezentacije Bosne i Hercegovine. Iako je ove godine prvi put nastupio u seniorskoj konkurenciji, gdje

je u svojoj kategoriji trenutno najmlađi takmičar, to ga, kako kaže, ne obeshrabruje.

- Znam da je konkurencija mnogo jača, ali to je samo dodatni motiv da treniram još više i dokazujem se u ringu, ističe Hassan.

Njegov naredni cilj je državno prvenstvo koje će se održati u maju, gdje planira potvrditi kvalitet i osigurati mjesto u reprezentaciji.

Hassanova poruka mladima je da se bave sportom, pogotovo borilačkim vještinama, jer to je nešto što ih gradi kao osobu, gradi karakter i samopouzdanje.

Pred ovim mladim Bišćaninom su veliki izazovi, ali ako je suditi po dosadašnjim rezultatima i odlučnosti, Hassan Selimović tek treba ispisati najveće stranice svoje sportske priče. / Dalila Čatić

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
JU OSNOVNA ŠKOLA "HARMANI II"
BIHAĆ



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
PUBLIC INSTITUTION PRIMARY SCHOOL "HARMANI II"
BIHAĆ

Broj:01-30-386/26
Datum:04.02.2026.godine

Na osnovu člana 111. Zakona o osnovnom odgoju i obrazovanju („Službeni glasnik Unsko-sanskog kantona“, broj:19/23i20/24), člana 8. i 9. Kolektivnog ugovora za djelatnost predškolskog i osnovnog obrazovanja i odgoja za teritorij Unsko-sanskog kantona („Službeni glasnik USK-a, broj: 11/24), Pravilnika za prijem radni odnos u osnovnim srednjim školama Unsko-sanskog kantona („Službeni glasnik Unsko-sanskog kantona, broj: 29/21), Odluke Školskog odbora broj: 01-45-371/26 od 04.02.2026. godine, saglasnosti za raspisivanje konkursa Ministarstva obrazovanja, nauke, kulture i sporta USK-a broj: 10-34-9671-3/25 od 18.08.2025. godine, saglasnosti za raspisivanje konkursa Ministarstva obrazovanja, nauke, kulture i sporta USK-a broj: 10-34-13862-2/25 od 01.12.2025. godine i saglasnosti za raspisivanje konkursa Ministarstva obrazovanja, nauke, kulture i sporta USK-a broj: 10-30-974-2/26 od 26.01.2026. godine, zaprimljena 29.01.2026.godine, JU OŠ "Harmani II" Bihać dostavlja:

O B A V I J E S T

o raspisivanju ponovljenog i redovnog konkursa i oglasa za popunu upražnjenih radnih mjesta

Puni tekst ponovljenog konkursa, redovnog konkursa i oglasa za popunu upražnjenih radnih mjesta JU OŠ „Harmani II“ Bihać objavit će se 06.02.2026. godine (petak) na internet stranici Ministarstva obrazovanja, nauke, kulture i sporta USK-a, na stranici JU Službe za zapošljavanje USK-a i web stranici škole.

Ponovljeni konkurs, redovni konkurs i oglasostaju otvoreni osam (8) dana od dana objave Obavijesti u sedmičnim novinama Unsko-sanske novine Krajina.

Direktorica škole:
Mr.sc.Delić Nermina, prof.
Akt obradila:
Fatma Midžić, dipl.iur.

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
OPĆINA SANSKI MOST
JAVNA USTANOVA OSNOVNA ŠKOLA
„5.OKTOBAR“ SANSKI MOST
BR. Tel. 037-686-172, IDB 4263121750002

JU OŠ "5.oktobar" Sanski Most, obavještava sve zainteresirane kandidate da je puni tekst

KONKURSA
za popunu radnih mjesta

Objavljen na internet stranici JU Služba zapošljavanja USK-a
jusluzap@bih.net.ba; info@usk-szz.ba i internet stranici Ministarstva obrazovanja USK-a obrazovanje.usk@gmail.com, dana 06. 02. 2026. godine.

Direktor
Jasminka Alagić

ARIJANA JAŠAREVIĆ VOJIĆ DOBILA DIPLOMATSKI PASOŠ BIH

Potvrda rada, odricanja i odgovornosti

Renomirana delegatkinja Evropske i Svjetske rukometne federacije iz Bihaća, Arijana Jašarević Vojić, dobila je diplomatski pasoš Bosne i Hercegovine, potvrdivši time višegodišnji profesionalni angažman i međunarodno predstavljanje države na najvišem sportskom nivou.

Pasoš joj je uručio ministar vanjskih poslova BiH Elmedin Konaković, a priznanje dolazi kao potvrda rada, odricanja i odgov-



ornosti koje nosi predstavljanje Bosne i Hercegovine na najvećim sportskim takmičenjima.

Arijana ističe da uručenje diplomatskog pasoša predstavlja i čast i obavezu da se ime države nosi dostojanstveno, profesionalno i s integritetom. Izrazila je zahvalnost institucijama BiH na ukazanoj povjerenju te naglasila ponos što njen profesionalni put već godinama nosi ime i zastavu Bosne i Hercegovine širom svijeta. / F. Vojić



www.rtvusk.ba

J.P. "Radio-televizija Unsko-sanskog kantona" d.o.o. Bihać



"Duhovni svijet"
Redakcija Dokumentarnog programa Televizije Unsko-sanskog kantona pripremila je još jedno izdanje religijske emisije "Duhovni svijet" u ovoj sedamnaestoj sezoni njenog emitiranja.

Vašoj pažnji preporučujemo priču o Svjetskom danu Hidžaba i ovoj propisanoj obavezi žene u Islamu. Obilježile su ga žene, članice odjela za brak i porodicu u međžlisisima Islamske zajednice Muftijstva bihaćkog.

Posljednju emisiju "Duhovni svijet" prije mubarek-mjeseca ramazana možete pogledati u subotu, 7. februara u programu Televizije Unsko-sanskoga kantona od 18:15 sati.

Kroz emisiju vas vodi Samir Tulić.

Ljudi: vrijeme

LJUDI I VRIJEME, dokumentarna emisija Zavirite u mikro svijet vaših sugrađana i komšija. Kako na njih utiču aktuelni događaji, šta ih tišti i kakve su njihove perspektive.

Priču o Safetu Fatkiću možete pogledati u emisiji Ljudi i vrijeme u srijedu, 11. februara u 20:05 sati.

Urednica Rasima Henić.



Školski sat

Dragi školarci i svi ljubitelji znanja, u novoj emisiji Školski sat koja vas očekuje pripremili smo mnoštvo zanimljivog sadržaja...

Nedjelja, 8. februar od 10:10 sati.

Urednica Merima Aličević.

Voditeljica Asima Sefić.



Emisija iz kulture "Kultura" u programu je u srijedu, 11. februara od 21:50 sati.

Urednica Fata - Hajdarević Ivušić.




DNEVNIK RTV USK GLEDAJTE SVKOG DANA U 19:00 SATI.

PODRŠKA LOKALNOM - 3. EPIZODA, TV SERIJAL O PRIVREDI

U medijskom projektu RTV USK kroz istoimeni serijal "Podrška lokalnom" govorimo o aktuelnom stanju, mogućnostima, izazovima i podršci koju u različitim resorima privrede imaju domaći mali i veliki privrednici i obrtnici.

Projekt "Podrška lokalnom" sufinansiran je kroz podršku za medije za 2025. godinu Ministarstva privrede u Vladi USK.



TV SERIJAL O PRIVREDI "PODRŠKA LOKALNOM"
GLEDAJTE U PROGRAU TV USK U ČETVRTAK, 5. FEBRUARA OD 20:05 SATI.

"Odrastamo zajedno", obrazovna emisija



U svijetu koji se brzo mijenja, roditeljstvo i djetinjstvo postaju veći izazov nego ikada. Zato vam u novoj emisiji TVUSK "Odrastamo zajedno" otkrivamo male, ali važne korake koji čine veliko putovanje - odrastanje.

Kroz tople priče iz stvarnog života, razgovore sa stručnjacima, savjete za roditelje i inspirativne primjere, govorimo o svemu što čini djetinjstvo - od prvih koraka, školskih izazova, pa sve do emocija koje dijelimo u porodici.

Emisija donosi i teme o odrastanju, odnosu djece i roditelja, podršci, razumijevanju i ljubavi - vrijednostima koje su temelj svake porodice.

"Odrastamo zajedno" - gledajte u nedjelju, 8. februara od 18:35 sati, te reprizno ponedjeljkom od 10:10 sati i subotom od 11:40 sati.

Emisiju uređuje i vodi Emina Jordanović.

U SVJETLIMA KANDILJA, ramazanski program



Budite uz ramazanski program "U svjetlima kandilja", svake večeri od 18. februara do 20. marta 2026. godine, u terminu od 17:30 do 18:30 sati, u programu RTV USK.

Ramazanski program uključuje i **specijalne vjerske priloge**, realizirane u okviru našeg TV programa. Svaku večer gledajte serijal "Džemat - srce zajednice", a ramazansku atmosferu dodatno će upotpuniti emisije "Srce u sevdahu", posvećene očuvanju i afirmaciji kulturne i muzičke baštine Bosne i Hercegovine.

Ramazana nam tiho kuca na vrata, noseći sa sobom posebnu svjetlost, smiraj i toplinu koja se osjeti u srcu. Dolazi nam mjesec posta i ibadeta, mjesec čišćenja duše, mjesec u kojem se ljudi više slušaju, više praštaju i više čine dobra.

U tom blagoslovljenom vremenu, RTV USK vam i ove godine - već treću deceniju zaredom - s ponosom daruje tradicionalni ramazanski program "U svjetlima kandilja", serijal emisija koji Ramazana približava srcima gledalaca kroz iskrene priče, duboka razmišljanja i snagu vjere.

Film Zviždačica
The Whistleblower, 2010., Kanada, Njemačka, SAD, 112 min.



Ništa nije opasnije od istine
Film je svoju premijeru doživio na TIFF-u (Toronto International Film Festival) i osvojio je nekoliko prestižnih nagrada na raznim festivalima i dodjelama nagrada. Rachel Weisz je možda odigrala ulogu karijere.

Film Zviždačica gledajte u programu TV USK u subotu, 7. februara od 21:00 sat.



Ko te šiša

Seriju Ko te šiša gledajte od ponedjeljka do petka u programu TV USK od 18:15 sati.

Serija Krvavo cvijeće



U programu RTV USK gledajte tursku hit seriju "Krvavo cvijeće".

Od ponedjeljka do petka od 21:05 sati.



Moj doktor za životinje, emisija o brizi za životinje

Gledajte nas svake nedjelje od 12:45 sati na programu RTV USK.

Emisiju uređuje Asima Sefić.



ATLETSKI KLUB "BIHAĆ"

Dobri nastupi bihaćkih atletičara u Zagrebu

U Zagrebu (Hrvatska) proteklog vikenda održano je 2. kolo Premijer atletske lige (PAL) Hrvatske za senior, kadete i mlade uzrasne kategorije. Prvenstvo je održano u dvorani koja je oborila dosadašnje rekorde po broju prijavljenih učesnika u Hrvatskoj. Nastup na takmičenju zabilježilo je oko 600 mladih atletičara, a ukupan broj od 850 startova predstavlja rekord ovog atletske događaja. Atletski klub "Bihać" učestvovao je na ovom takmičenju te se predstavio sa svojih 20 takmičara koji su zabilježili dobre nastupe pokazavši kvalitet, borbenost i sportski duh.

Mlada ekipa iz Bihaća u jakim konkurencijama ostvarili su tri plasmana za medalje, te su uknjižili jedno prvo i dva treća mjesta. Najbolji rezultat zabilježio je Isa Balić koji se predstavio u utrci limači na 600 metara. U dvije grupe u ovoj utrci startalo je ukupno 11 takmičara. Mladi Isa Balić utrku je istrčao u vremenu 1:54,08 te je zaslužno osvojio prvo mjesto. Drugo mjesto osvojio je Luka Fanjek iz Karlovca, dok je treće mjesto osvojio David Kindl iz Zagreba. Odličan nastup i osvojeno treće mjesto ostvarila je Jasmina Nuspahić koja se predstavila u seniorskoj konkurenciji na 200 metara. U ovoj utrci trčalo je ukupno 17 takmičarki podijeljenih u pet skupina, a utrku je završilo njih 11. Do trećeg mjesta Jasmina Nuspahić došla je ostvarivši vrijeme od 27,09. Prvo mjesto osvojila je Lucija Marinković iz Karlovca sa vremenom 26,69 sec, dok je drugo mjesto osvojila Mima Larva iz Zagreba sa vremenom 26,77 sec. U ovoj kategoriji nastupila je i Najla Nuspahić koja je utrku završila sa vremenom 33,90 što je ovu mladu takmičarku pozicioniralo na 11. poziciju. U konkurenciji mladih kadeta na 200 metara odličan nastup zabilježio je Dženan Nuspahić koji je u konkurenciji ukupno 44 takmičara od kojih 39 finišera sa ostvarenim vremenom 29,12 izborio plasman na treće mjesto. Prvi u ovoj konkurenciji bio je Matija Grubješić iz Karlovca sa vremenom 27,46, dok je drugo mjesto osvojio Ivano Bilješko iz Rijeke sa vremenom 28,81. U ovoj konkurenciji nastup je zabilježio i Hamza Selimović sa plasmanom na 35 poziciju sa vremenom 34,65.

Dobar nastup i odličan plasman zabilježila je Iman Balić na 200 metara u konkurenciji limači-žene. U konkurenciji 75 takmičarki i 70 finišera Iman je utrku završila na odličnom trećem mjestu sa vremenom 31,39. Prvo mjesto osvojila je Una Barbarić iz Zagreba sa vremenom 29,48. Drugo mjesto osvojila je Nelli Komljenović iz Velike Gorice sa vremenom 30,82. Odlične plasmane zabilježili su i peto mjesto Žana Skalić u konkurenciji U-10 na 200 metara, šesto mjesto Vedad Vikić U-14 na 1.000 metara, sedmo mjesto Ilhan Ahmed Pašić U-8 na 200 metara. Mlada Aiša Hodžabegović na takmičenju u Zagrebu ostvarila je svoj lični rekord i popravila klupski rekord na 100 metara. Nastupe u Zagrebu zabilježili su i takmičari Ajsa Čehić, Asja Muminović, Emina Mehdi, Lamija Mehdi, Davud Pašić, Ajra Hodžić, Sumeja Čavkić, Maid Selimović, Omer Veladžić i Ena Memagić.

Za veliki broj mladih takmičara iz AK "Bihać" ovo je bio debitantski nastup te su zabilježili dobre rezultate u jakim konkurencijama što je za njih zasigurno motiv više za naredna takmičenja koja ih očekuju.

JUDO: ODRŽANO PRVENSTVO BIH ZA SENJORE I POLETARCE

Takmičari JK "Una" Šefik Havić zlatni i Lejla Budimlić srebrena

Proteklog vikenda u Vitezu je održano Državno prvenstvo za uzrast seniori i U12 - poletarci. Nastupilo je ukupno 300 takmičara iz 53 kluba iz Bosne i Hercegovine. Odličan nastup zabilježila su dva kluba iz Unsko-sanskog kantona koji su osvojili nove medalje i dostojno predstavili Bihać i Sanski Most.

Judo klub "Una" iz Bihaća na prvenstvu se predstavio sa svojih šest takmičara u seniorskoj i U-12 konkurenciji ostvarivši zapažene rezultate. Takmičari JK "Una" osvojili su dvije medalje od kojih jednu zlatnu i jednu srebrenu. Odličan nastup zabilježio je Šefik



Havić koji je osvojio zlatnu medalju i titulu prvaka BiH za poletarce u kategoriji do 24 kg. Drugo mjesto i srebrenu medalju osvojila je Lejla Budimlić u kategoriji

preko 57 kg u konkurenciji poletarki. Mladi takmičari Bakir Žerić i Almin Havić su u kategoriji preko 60 kg izgubili u borbama za brončane medalje i osvojili 5.

mjesta također nastupajući u konkurenciji poletaraca. U seniorskoj konkurenciji Mirza Omerdić je u kategoriji do 81 kg osvojio 5. mjesto, dok je Fran Crnković u kategoriji do 73 kg ostao bez plasmana na ovom prvenstvu.

◀ Zlatna Ejna Burnić i srebreni Orhan Mujanović iz Sanskog Mosta na Državnom prvenstvu za poletarce

Na takmičenju u Vitezu uspješan nastup imao je i Judo klub "Sana" iz Sanskog Mosta. Klub su odlično predstavila dva takmičara koji su

osvojili jednu zlatnu i jednu srebrenu medalju. Mlada Ejna Burnić, poletarka u kategoriji -62 kg, ostvarila je tri pobjede i osvojila zlatnu medalju, te postala prvakinja Bosne i Hercegovine za 2026. godinu. Odličan nastup zabilježio je i Orhan Mujanović, poletarac u kategoriji +60 kg koji je došao do finala sa tri pobjede, a u odlučujućem meču je nesretno izgubio titulu prvaka, i osvojio drugo mjesto i srebrenu medalju. Oba takmičara svojim nastupima obezbijedili su mjesto u reprezentaciji BiH za učešće na Prvenstvu Balkana za poletarce.

STOLNO TENISKI KLUB "SANA" IZ KLJUČA NA TURNIRU U TUZLI

Tri medalje za takmičare iz Ključa

U Tuzli je održan 6. Međunarodni turnir u stonom tenisu "Joola Cup 2025". Na turniru je učestvovalo više od 300 učesnika iz BiH, Srbije i Hrvatske, a takmičenje je održano u svim uzrasnim kategorijama. Organizator turnira TK "Kreka" Tuzla organizacijom turnira pruža prvenstveno priliku mladim takmičarima da steknu neophodno iskustvo pred nastupe u seniorskoj konkurenciji.

Turnir je trajao dva dana. Prvog dana nastupili su potkategorije najmlađi kadeti/najmlađe kadetkinje, mladi kadeti/mlađe kadetkinje i juniori/ juniorke. Drugog dana turnira nastupili su takmičari kategorije najmlađi kadeti/najmlađe kadetkinje, kadeti/kadetkinje i seniori/seniorke. Turnir u Tuzli bodovao se za rang listu Bosne i Hercegovine za sve kategorije.



Pored velikog broja klubova iz BiH i regiona nastup je zabilježio i STK "Sana" iz Ključa koji se predstavio sa svoja četiri takmičara koje je u Tuzli vodio trener Emir Gomilović. Na međunarodnom stonoteniskom turniru JOOLA CUP 2025, takmičari Stonoteniskog kluba "Sana" ostvarili su izvanredne rezultate. Osvojili su tri

medalje od kojih po jednu zlatnu, srebrenu i brončanu. Medaljama za Ključane u kategoriji mladi kadeti okitili su se Danin Draganović (srebrena) i Mensur Mešanović (brončana). Armin Bajrić i Eman Razić pokazali su izuzetnu borbenost i lakovski su se nosili sa svojim protivnicima, ali su ostali bez plasmana za medalje.

Zlatnu medalju drugog dana turnira osvojio je u svom drugom nastupu Danin Draganović koji se takmičio u kategoriji najmlađih kadeta. Nakon četiri prethodno osvojena zlata, zlato je osvojeno i u Tuzli, sa kojim je Danin osvojio svoj peti turnir u sezoni, potvrđivši dominaciju i sjajnu formu u ovoj kategoriji.



Nagrađeni su sportske nade i najbolji u školskom sportu...



... kao i najbolji sportski radnici

IZBOR SPORTISTE SANSKOG MOSTA ZA 2025. GODINU

Atletičarka Amela Trožić najuspješniji sportaš

U organizaciji Sportskog saveza Općine Sanski Most održana je manifestacija izbora najuspješnijih sportista i sportskih ekipa ove općine. Prisutnima su se obratili Sanel Maunić, član Upravnog odbora Saveza, Elvis Felić, generalni sekretar Sportskog saveza USK i Mensur Seferović, načelnik Općine koji su u svojim obraćanjima uz čestitke nagrađenim istakli važnost sporta kao i nastavak podrške koju sport dobija od lokalne zajednice i Sportskog saveza USK. Za najuspješnijeg sportaša Sanskog Mosta izabrana je atletičarka Amela Trožić, koja je osvojila 2. mjesto na Prvenstvu BiH u polumaratonu u Sarajevu.

Izabrani najuspješniji pojedinci i ekipe Sanskog Mosta

Na osnovu utvrđenih kriterija žiri je izabrao najuspješnije kadete, juniore, seniore, trenera, sportske radnike i ekipe koji su ostvarili najbolje rezultate u protekloj godini. Za najuspješnijeg kadeta izabran je kickboxer Mensur Razić za osvojeno 1. mjesto na Kickboxing prvenstvu BiH u Laktašima, dok je priznanje za najuspješniju kadetkinju dobila karatistkinja Enna Bećirbegović (2. mjesto na Federalnom prvenstvu u Zenici). Najuspješniji junior je kickboxer Hanan Avdić (2. mjesto na prvenstvu BiH u Laktašima), dok je najuspješnija juniorka odbojkašica Nejla Sinanović. Najuspješniji senior je nogometaš Sadin Seferović, drugi strijelac Druge lige zapad. Najuspješnija seniorka je atletičarka Amela Trožić, za osvojeno drugo mjesto polumaratonu u Sarajevu. Najuspješniji trener je Husein Bećirvić, Kickboxing klub "Galaja", čiji su takmičari u protekloj godini ostvarili zapažene rezultate na takmič-

U-19 u Olovu. Titulu najuspješnije ženske ekipe ponijela je ženska atletičarka Amela Trožić, za osvojeno drugo mjesto polumaratonu u Sarajevu. Najuspješniji trener je Husein Bećirvić, Kickboxing klub "Galaja", čiji su takmičari u protekloj godini ostvarili zapažene rezultate na takmič-

U-19 u Olovu. Titulu najuspješnije ženske ekipe ponijela je ženska atletičarka Amela Trožić, za osvojeno drugo mjesto polumaratonu u Sarajevu. Najuspješniji trener je Husein Bećirvić, Kickboxing klub "Galaja", čiji su takmičari u protekloj godini ostvarili zapažene rezultate na takmič-

tovima koji su nastupili za reprezentaciju BiH dobili su članovi atletičarka Amela Trožić, za osvojeno drugo mjesto polumaratonu u Sarajevu. Najuspješniji trener je Husein Bećirvić, Kickboxing klub "Galaja", čiji su takmičari u protekloj godini ostvarili zapažene rezultate na takmič-

nja za doprinos u razvoju sporta općine dobili su Atletski klub "Sana", Karate klub "Hurije", Konjički klub "Potkovicica", Besim Burnić trener NK "Rudar" i Omladinski košarkaški klub.

Ena Hopovac, Hana Alagić, Alejna Salihović (karate), Ajnur Kutić, Zeberi Hodžić, Alina Salešević (kickboxing), Dino Velić, Adnan Burnić, Arsen Kondić, Alan Kandžić, Rifet Muharemagić, Ena Unkić, Adnan Krupić, Faris Mehić, Said Midžan (nogomet), Sumea Jakupović, Farah Imširević, Sara Demirača, Ejna Burnić, Orhan Mujanović (judo), Najla Muratović, Arna Rahmanović, Nina Stupar (odbojka), Kenan Ramić, Leon Garibović, Daris Jakupović (rukomet), Omer Džaferović, Iman Kvrđić (košarka).

U kategoriji školskog sporta za učenike osnovnih škola nagrađeni su u Muamer Avdić i Hana Handanagić, dok su priznanja za učenike/sportaše srednjih škola dobili Faris Beganović i Medina Kadirić. Priznanje za sportskog novinara dodijeljeno je za Edina Aganovića. Posthumna priznanja uručena su za Sefera Kurbegovića (Udruženje pedagoga) i Šerifa Begovića (PED "Kanjon").

Najuspješniji u sportu za invalidna lica Sanskog Mosta

Na prijedlog SSRI Sanski Most izabrani su najuspješniji u sportu za invalidna lica. Najuspješniji sportista u muškoj konkurenciji je Dževad Hujčić (SSRI Sanski Most). Najuspješniji trener je Suad Mehinagić, dok je priznanje za sportskog radnika dodijeljeno za Sadrinu Ramića. Priznanje je dodijeljeno za najuspješniju sportsku ekipu SSRI Sanski Most u muškoj konkurenciji.



Nagradu u ime Amele Trožić primio je Semir Alagić, predsjednik AK "Sana"



Amela Trožić



Najuspješniji senior



Državni prvaci

njima u BiH i regionu. Priznanja za sportske radnike dobili su Arminu Grbić, predsjednik Rukometnog kluba "Sana 7", Sanel Rekić, član Upravnog odbora NK "Rudar" i Sanel Maunić iz Omladinskog košarkaškog kluba "Sana". Najuspješnija muška ekipa su juniori NK "Rudar", 2. mjesto na završnici Omladinske lige BiH

Najbolji u juniorskoj...

odbojkaška ekipa za osvojeno 1. mjesto na KUP-u USK u Bosanskom Petrovcu.

Priznanja za državne prvake, reprezentativce i za ostvarene rezultate i priznanja za doprinos u razvoju sporta

Posebna priznanja sportistima koji su bili prvaci BiH u svojim kategorijama i spor-

Karate kluba "Hurije" i to: Elvin Islamčević, Elma Memić, Muniba Sinanović i Amna Ramić. Posebna priznanja dodijeljena su i za uspješne u loptačkim i borilačkim sportovima. Priznanja u loptačkim sportovima dobili su Dani Kurtović, Dženan Krkić, Emal Hodžić (nogomet), Anam Mujanović (karate), Jasmin Ališić, Ajla Cerić (atletika). Prizna-



Najuspješniji u sportu za invalide



Najbolji trener



Najuspješnija ženska i...



... muška ekipa



PREMIJER RUKOMETNA LIGA BiH - ŽENE

Krajina savladala Krivaju i na trećoj je poziciji na tabeli

Proteklog vikenda utakmicama 10. kola nastavljeno je takmičenje u Premijer rukometnoj ligi BiH za žene. Po rasporedu odigrana su četiri susreta, dok je slobodan bio ŽRK "Izviđač" Ljubuški. Banjalučki Borac slavio je na gostovanju u Goraždu rezultatom 29:37. Hadžići su na svom terenu rezultatom 35:25 savladali Ilidžu, dok je ekipa Grude rezultatom 32:33 savladala Zrinjski u Mostaru.

OŽRK "Krajina" Cazin na svom terenu dočekala je uvijek neugodnu ekipu ŽRK "Krivaja" Zavidovići. Susret u kojem su se sastale trećeplasirana i četvrtoplasirana ekipa jesenjeg dijela prvenstva, sa istim brojem bodova, uz nešto bolju gol-razliku Krivaje ponio je epitet derbija kola. Ekipa OŽRK "Krajina" je pred svojom publikom slavila pobjedu rezultatom 34:32, poluvrijeme 20:14. Utakmicu su bolje otvorile domaće rukometašice, te su

Rezultati 10. kola:
CAZIN: Krajina - Krivaja 34:32,
GORAŽDE: Goražde - Borac 29:37,
HADŽIĆI: Hadžići - Ilidža 35:25,
MOSTAR: Zrinjski - Grude. 32:33.
Slobodan je bio Izviđač Ljubuški.

TABELA

1. Hadžići	9 8 0 1 16
2. Borac	9 8 0 1 16
3. Krajina	9 6 0 3 12
4. Krivaja	9 5 0 4 10
5. Goražde	9 4 1 4 9
6. Grude	9 3 1 5 7
7. Zrinjski	9 3 0 6 6
8. Izviđač	8 1 0 7 2
9. Ilidža	9 1 0 8 2

Parovi 11. kola:
ILIDŽA: Ilidža - Goražde,
BANJA LUKA: Borac - Krajina,
ZAVIDOVIĆI: Krivaja - Grude,
MOSTAR: Zrinjski - Izviđač.
Slobodna je ekipa Hadžići.

već u devetoj minuti imale rezultat 6:0 uz potpunu kontrolu stanja na terenu. Cazinjanke do kraja poluvremena uspješno drže stečenu prednost koja je u nekim momentima bila + 7 te na odmor odlaze rezultatom 20:14.

I u drugom poluvremenu

puno bolja igra domaćina koji je odličnom igrom uspijevao zadržavati stečenu prednost iz prvog dijela. Ipak u samom finišu utakmice rukometašice iz Cazina prave nekoliko pogrešaka, što gošće koriste te smanjuju prednost na + 2 u korist Krajine, a što u konačnici nije utjecalo na krajnji rezultat i zasluženu pobjedu rukometašica Krajine rezultatom 34:32. Najefikasnije u redovima Krajine bile su Amela Džakmić i Angela Kostovikj sa po sedam pogodaka, dok su Staša Mandić i Adelisa Dautović sa po pet pogodaka. U redovima gostiju iz Zavidovića istakla se Amina Bašić sa 10 postignutih pogodaka. Ova pobjeda potvrđuje da pobjeda u prvom kolu u Zavidovićima nije bila slučajnost. Mlade lavice su pokazale karakter, disciplinu i borbenost cijelog tima. U narednom kolu ekipa Krajine iz Cazina gostuje u Banjoj Luci gdje ih dočekuje ekipa Borca.

U BIHAĆU ODRŽAN BOKSERSKI TURNIR "USK OPEN"

Promocija olimpijskog boksa i prvo kolo Bokserske lige F BiH



Organizaciji Bokserskog kluba "Favorit BH" proteklog vikenda održan je bokserski turnir "USK OPEN", koji je ujedno bio i prvo kolo Bokserske lige Federacije BiH. Odličnom organizacijom grad Bihać je još jednom pokazao da je spreman za organizaciju velikih sportskih događaja. Na bokserskom spektaklu bihačkoj publici se predstavilo oko 30 klubova iz Federacije BiH. U cjelodnevnom takmičenju nastupilo je više od 90 boksera koji su u svojim kategorijama odmjerili snage u 45 mečeva. Nastup su zabilježili pioniri, školarci, juniori i mladi, dok je u večernjim satima održana gala priredba u kojoj su se publici predstavili bokseri u seniorskoj konkurenciji. Cilj takmičenja je razvoj i popularizacija olimpijskog boksa, te pružanje prilike mladim sportistima da steknu iskustvo i napreduju kroz takmičenja koji bi u budućnosti mogli pred-

stavljati BiH na međunarodnoj bokserskoj sceni. U ime domaćina, Rinaldo Pikoloti je istakao da BK "Favorit" već drugu godinu uspješno organizuje ovako zahtjevan događaj za što su dobili pohvale od Upravnog odbora Bokserskog saveza FBiH i Almedina Fetahovića, selektora reprezentacije BiH u boksu.

je na samom kraju turnira Dani Alagić, koji je do pobjede došao briljantnim nastupom. Meč je završio prekidom u drugoj rundi. Odlične nastupe zabilježili su i ostali takmičari Bokserskog kluba Favorit BH, kako u Prvoj bokserskoj ligi FBiH tako i u nastupima u gala večeri ovogodišnjeg USK Opena. Turnir su pratili i



Za najboljeg boksera turnira proglašen je Hassan Selimović, koji je svojim nastupom oduševio publiku i stručni žiri, potvrdivši status jednog od najperspektivnijih bosanskohercegovačkih boksera. Odličnu borbu imao

brojni gosti iz sportskog, privrednog i političkog života Unsko-sanskog kantona. Organizacija događaja pokazala je da se uz volju, entuzijazam i profesionalizam može napraviti spektakl koji prevazilazi lokalne okvire.



FUTSAL: PREMIJER LIGA BiH

Bubamara nakon odgode u proteklom kolu dočekuje Sarajevo

Futsaleri u Premijer futsal ligi BiH odigravanjem susreta 10. kola proteklog vikenda nastavili su takmičenje za sezonu 2025/2026. U nastavak sezone ekipa Bubamare iz Cazina ulazi sa vodeće pozicije. Proteklog vikenda odigrana su četiri susreta dok je susret u Zenici gdje je trebala gostovati Bubamara odgođen na zahtjev ekipe iz Cazina čija su četiri igrača imali reprezentativne obaveze, te ekipa nije bila kompletna za odigravanje susreta protiv Akademca. Pauzu su futsaleri Bubamare iskoristili te su u Cazinu iako oslabljeni ugostili futsal ekipu Dinama iz Zagreba. Odigran je veoma kvalitetan susret koji je završio pobjedom ekipe iz Zagreba rezultatom 7:6. U ostala četiri susreta

10 kola ostvarene su tri pobjede domaćina dok je jedinu gostujuću pobjedu ostvarila ekipa Mostar SG slavivši rezultatom 1:4 protiv ekipe Sarajeva što je ovu ekipu pomjerilo na četvrtu poziciju prvenstvene tabele. Željezničar je sa 6:2 slavio protiv Sloge, dok je u Brod uspio savladati Borac sa 3:2. Uvjerljiva je bila ekipa Rame koja je sa visokih 8:2 savladala Salinas. Sa utakmicom manje ekipa Bubamare je i dalje ostala lider na prvenstvenoj tabeli. Cazinjani u subotu 7. februara sa početkom u 19 sati na svom terenu dočekuju ekipu Sarajeva. Bubamara je motivirana te najavljuje prvu pobjedu u nastavku prvenstva. Zanimljivo će biti i na ostalim susretima 11. kola.

Rezultati 10. kolo:
TREBINJE: Akademac - Bubamara (odg.),
SARAJEVO: Željezničar - Sloge 6:2,
SARAJEVO: Sarajevo - Mostar SG 1:4,
BROD: Brod - Borac 3:2,
RAMA: Rama - Salinas 8:2.

TABELA

1. Bubamara	9 5 4 0 19
2. Rama	10 5 2 3 17
3. Sloge	10 5 2 3 17
4. Mostar SG	10 4 3 3 15
5. Željezničar	10 4 2 4 14
6. Brod	10 4 2 4 14
7. Akademac	9 3 4 2 13
8. Borac	10 4 1 5 13
9. Sarajevo	10 2 2 6 8
10. Salinas	10 2 0 8 6

Parovi 11. kolo:
CAZIN: Bubamara - Sarajevo,
RAMA: Rama - Željezničar,
TUZLA: Salinas - Brod,
BANJA LUKA: Borac - Akademac,
MOSTAR: Mostar SG - Sloge.